


Mikambizho Ya Kwa Ngabaliela Kwi Danyela

 Aye Nkambo akupeshe, mulongo. Mwabuka byepi lukeelo luno, balunda. Kwakaba bingi, kwikala mu tabbanako lukeelo luno, bino ke kya lukumo kwikala muno. Ke kyalusekelo kuuba mba—kuuba mba twaiya kuno leelo na kukwe kupwila. Napana kuuba mba Nsawkwika na lufunjisho pa iye *Milungu Makumi atanu na ibiji Yakwa Danyela*. Akyo kyakashila pamo Mbila yonse yashala kasa Kyangye kuya na—na Tutetesho Tutanu na tubiji. Akyo kuuba mba, Tutetesho Tutanu na tubiji; Myalo Itanu na ibiji; Matolompita Atanu na abiji; Malwa Asatu; mwanamukazhi uji ku juba; kutaiwa pantanda kwa diabola uchila; kubikwa tutetesho kwa ba aduleendi foote—foolo sauzande; byonse byamwekatu mu kyoka kye kimye. Kabiji Nalangulukile mba Nafwainwa kutwezhamo kikye patanshi.

² Pano, kwakaba. Kechi twaimena pa kwikala kimye kyabaya ne, monka mo kyakonshekelatu. Kabiji kino kyo kimye, javula, kimye-kibulako, akyo bantu po babula kuya ku kipwilo javula ne. Kabiji, kukijishamo, kabiji bonse baji na bibamba byanengezhiwa-mwela, ne bikwabotu, amo mwawaina kwikalamo. Nalanguluka mba nanchi inge twajinga nabyo, bino pa kino kimye kechi tuji nabyo ne.

³ Bavula bashakulu betu baikalanga mu juba jakaba. Inge Nalanguluka pa kulomba lulekelo lwa mambo ku bantu mambo akubula kwikala na kibamba kyanengezhiwa-mwela, milanguluko yami ibwela ku Africa ako kobaikelenga pabena kupita mwela mukatampe, kabiji aba banabakazhi baji na suki yabo ibena kupepela mu kilungi kyabo, baikala ponkapa mute ne bufuku, kwakubula kusha kifulo po balaala; kwakubula kuja, kutoma, nangwa kintu kimo ne, kwikala ponkapa na kumvwatu Kyambo, nangwa bibiji, kimye kyonse, kya Nkambo.

⁴ Nakonsha kulanguluka ku Mexico kwikala kwakaba bingi, kwambatu kishika, Naikela mu kibamba kyanengezhiwa-mwela bino kasa mbena kukupaula mwela, kwajinga kwakaba bingi. Bino mwamona bantu bayiya pa naini koloko lukeelo kelo, mu kyokya kibaza kikatampe, mwabula bipona, byakwikalapo. Bantu bakolwa, bakolwa bingi, babena kufwa, bakolwa; kaasa, bitumbwatumbwa; bamaama bakolwa, bacheche, baana balukeke babena kufwa kabiji ne bintu byonse, kwimana monkamwa mu juba jakaba jibena kupyana, kafwako nangwa kifutele pantu pamo ne, kwikalatu beshakamina umo na mukwabo kufuma pa naini koloko wa lukeelo kufika ne pa

naini wa boobwa bufuku, pakuuba mba bomvwekotu mamineti sate kupichila mu ututulula, kabiji ne kumona mingilo ya Nkambo. Waikala popa na kupembelela, bamvwala byakuvwala byaneema byakala, bebimvwala mu kimye kya mashika ne kimye kya mayowo. Byo byonka byo baji nabyo.

⁵ Kabiji Nalanguluka kwikala momwa mu masaka, byo baletelenga aba bantu bakolwa, abo bakakalwa ne kwenda ne. Kabiji mu India, inge betetakanya, nanchi balala umo peulu ya mukwabo, umo peulu ya mukwabo, byonka byatu, na mbumba ne bikola; mobeepapishishenga, ne mu mikwakwa, kwibalajika momwa mwakaba, mubena kupyana, na juba jakaba. Mubena kupita mwela wabaya, ne kubeshabesha, ne bintu biji byobya, bakonsha kwikala mujoja juba ne mwela mukatampe ubena kupita, kabiji ne bintu byonse, kwakubula ne kwenda nangwa kwijizhang'anya ne, kuubatu. . . kabiji ne kweseka kumvwapo Kyambo kya Lesa, kimye kyonse, kintu kimo kya mu mweo wabo. Nanchi kika kyo twafwainwa kulombela lulekelo lwa mambo lukeelo luno, na mutenge uji peulu ya mutwe wetu, ne byakupupa mwela kasa bingila? Twafwainwa kumvwa buvu inge twijizhang'anya pa kikye.

⁶ Nanchi Navuluka kechi papita kimye kyabaya ne, pa jikuji, jikuji jimo jiji mu Kalunga Kakubulenge, Amiwa najinga napwijilo abwa bufuku. Kabiji, oo, kwaiya mwela mukatampe. Oo, Amiwa kechi nakimonapo mwela mukatampe uji byobya ne, nanchi kubyasha kumo palondela kukwabo, kyaalo kyonse kyaikalatu kyatoka. Kabiji mwela wapupilenga poso bichi byalala panshi. Naambile mba, “Kyawama, abo baji. . . Nakonsha ne kuvuula suti wami, mambo kechi kukekalako muntu nangwa umo ne.”

⁷ Mu bimye bicheche ka motoka kacheche kafikile ku kibelo, kabiji muntu umo wakokosha ku kizhilo, winengezha kuya.

Kabiji Naambile ku nsongwalume, wakonsheshe kwamba Kizungu, Naambile mba, “Kujipo muntu umo kokwa nyi?”

Waambile mba, “Anweba kechi mwakonsha kufika ne pepi na muzhi ne,” pa kibaza kikatampe kyakukailapo.

Kabiji Naambile mba, “Mwatazha mukuuba mba bantu baji—bajitu byokabya,” Naambile mba, “awe yense mwela mukatampe nyi?”

Baambile mba, “Tubena kukeba kumvwa bya kwa Lesa.”

⁸ Kabiji—kabiji nanchi Naile konka. Kabiji mwajinga bainetu, bansongwakazhi bacheche, baki-twala, kechi bamwemweselenga nangwa kuseka ne, kabiji banyewinenga bbambu ngamu, kabiji baambilenga pa mulunda nabo nsongwalume. Kyambo kyonse, abo bekitambwilengatu; kwakubula kwenda ne, baikalaitu na kuteleka. Waita bantu kulutwe, waitatu bantu kulutwe, kabiji masauzande baimana, na mipolo mu meso abo byobya, na maboko abo asutulwa

kwi Lesa, na kukeba lusa lwa mweo wabo, bansongwakazhi ne bansongwalume, sebetiini, ba myaka eitiini. Pano kikala kyakosa pakuuba mba bakulumpe bateleke, mwamona. Ki—kimweshatu mba kechi tujipo na kintu kimo kya kwijizhang'anya nakyoye ne. Sante ekale kwi Lesa! Ee, mwane.

⁹ Twafwainwa kutemwa kwikala nabyo byakatataka nobe bonse bena America, bino kechi tuji nakyoye muyewa musango ne; nanchi twingilatu na kyonka kyo tuji nakyoye.

¹⁰ Bino, Njina kintu kicheche kyo Namwene mba Nakonsha kutemwa kuuba muno mu tabbanako jibiji. Baanga baji na ma Baibolo? Sutulai kuboko kwenu. Kyawama. Twayai tuzhikule mu Masalamo 99 kasa tukyangye kulomba. Twaubanga bibye, Mulongo Neville, myaka yapita kunyuma. Amiwa kechi nayuka ne kana... Anweba mwatangapo kala Salamo lukeelo luno? [Mulongo Neville waamba mba, "Ine."—Waku.] Ine. Natemwa kuuba mba, kipwilo, kyangangapo Salamo umo.

¹¹ Lukeelo luno, kimye kyo Nakwikala mu kibamba kyami kya kutangilamo, na kulanguluka languluka pa iye Mbila ne Kyambo, Naji kulanguluka mba, "Mwayukatu, kyafwainwa kwikala kyawama jibiji ku—kutangila pamo bonse Salamo. Amiwa nekitemwa bingi."

Eene mambo o Naishila nakelwa, kwajinga foni wafuma palepa, kufuma ku Cheyenne, nanchi oene mambo o Naubila kikye.

¹² Kabiji pano, kimye kyo tubena kuzhikula yuwe Salamo, Njina byakubijika, byapanwatu katataka. Ao ke Masalamo 99.

¹³ "Kufuma pa kino kimye, byakubijika byonse na mambo a mpwijilo pano pa tabbanako, kabiji ne bya kipekenyi, bikafuma ku ofweshi wa ku Jeffersonville. Uji yense ukeba kuyuka pa byampwijilo wafwainwa kunembasha, nangwa kupana jizhina ne keyala, kabiji ne kwikibika pa pulupiti pakupwisha kupwila bufuku buno. Sawakya ukatumwa kwi anweba mu kimye kyaitabilwa pakuuba mba mwinengezha kutanwako ku mpwijilo."

Kokuuba mba, inge muntu umo mu bimye bya kulutwe wakeba kuyuka kwepi kukekela kupwila, tuji natachikilo ya bikwako, ku ofweshi kokwa, wafwainwatu kubika jizhina jobe ne keyala kuno. Kabiji tukakutumina kitupa, kimye kasa kijiko, pakuuba mba uyuke kwepi kukatanwa mpwijilo, kabiji kapepo ne mitwe ya byambo, kabiji ne-byavula bijiko, inge mwakonsha kwikala na jishuko. Mwamona, inge kechi muji na kifulo kyaitabilwa ko kyafuma ne, umo waamba *kikye* kabiji umo waamba *kyokya*, anweba—anweba kechi mwafwainwa kwikitambula ne, mwamona. Nanchi lekaitu... Nembaitu jizhina jenu ne keyala ne kutula kuno, kabiji Billy Paul ukekitola ne kwikipana.

¹⁴ Pano, kyaipuzhiwe, ne apo, amba kana kukekala jibiji. . . “Mulongo Branham, ukekalapo jikwabo na kupwila kwa kulombelela bakolwa mu tabbanako, na kya bupe kyakuyuka bapashi nyi?” Ine. Ine. Byakuyuka bapashi bikampewa na—na kije kyetu. Tuji na Mulongo Neville kuno pano uji na kya bupe kya bungauzhi, ao wawila bakolwa ne kwibabula bintu byo bakeba kuyuka. Kabiji tuji na mulongo wa jizhina ja Higg-. . . Higginbotham, umo wa. . . wajingapo waketekelwa, waingijile bingi bulongo mu kije. Amiwa kechi na mumonapo lukeelo luno ne, bino bimye byavula uji na kya bupe kya kwamba mujimi. Kabiji inetu wamuचेचे watelwa mba Arganbright, nyenga watemwikwa muचेचे mubiji awo uji na kya bupe kya kulumbulula kwa jimi.

¹⁵ Kabiji byambo byambiwa bibena kushinikishiwa mba byafuma kwi Lesa, mambo kechi bibena kwiya mwabujila ndoonda ne, bilondelatu mwaila ndoonda. Kabiji abye bya bupe inge byatatulatu kuvula, tukeseka kuuba mba—mba twauba. . . kwibikajika bulongo mu kipwilo, jishinda ja kwibyubilamo. Kabiji Amiwa kebamona katatakatu, pakuuba mba—mba aya—mpwijilo ikobiwenga monka mwaitabilwa mu ndoonda ya Nkambo, byo twakonsha kulondela bulongo.

¹⁶ Bino babo bantu bawama bingi, nanchi byo byamba ye twalamakana nanji, Mrs. Wood, uji na maikolofoni wanungakana kuno, kabiji ne tepu kunyuma kokwa, na kufyatula mpwijilo pa tepu, kyaimenatu pa kutambula yoya mbila, ne kwiinemba, kabiji ne kumona kana biji bulongo nangwa ine. Mwamona? Abyo byo abena kwibapesapesa. Nayuka Mrs. Wood kwikala mwanamukazhi wakinshika. Kabiji umbula bintu byavula abyo byaambiwa, kabiji bibena kufikizhiwa.

¹⁷ Pano, nanchi twasata pa kyokyo. Nanchi kekukokoloka kwabaya pa muzhi! Inge Naiya ku muzhi, nanchi. . . Akwa kuyuka bapashi ku lubaji lwa bungauzhi lukokesha bingi, kabiji, onkao mambo, Lesa wantumina mwakukokolokela, kupichila mu bungauzhi, ne kwamba mujimi, kabiji ne kulumbulula, abo ke bungauzhi. Nanchi, ke bungauzhi, kwamba mujimi. Kuji bantu babiji babena kwaula. Umo ubena kwamba, mukwabo ubena kumwya bibena kwamba yewa mujimi ingi, kine ke bungauzhi. Kabiji pano tukekala. . . Twikala na byobyoyo pa juba pa juba, mupwijilo iji yonse kuno inge twikala na milaini ya milombelo.

¹⁸ Bino, kuji muntu umo wakonsha kwipuzha, bushe. . . pa kyabupe. Ee, Amiwa ngikala nayo. Bino mujishinda, mo ne kingijisha, ke pa misambo ya kwipuzha ne mikumbu ya kumbaji, yo Nji nayo. Kabiji, pakuuba mba mwikale nakyo, Naketekela baji nakyo kyanembwa pa lubumbulu kunyuma kokwa, pakuuba mba mutambule nsambu ne kunengezha kimye kyenu mu ndoonda, kwi Billy Paul, nsongwalume wami, pa bya muno

namwa mu mbung'eno ya kulondelapo. Amwa mu mwingilo, kuji konse, wafwainwa kwikala na kitupa kicheche akyo Billy Paul kyo akemupa. Inge pajipo kintu kimo mu bumi kyo wabula kumvwisha ne, kabiji kechi wayuka mwakufuminamo ne, kabiji ubena kukeba maana a Nkambo, nanchi lekai. . . Monai Billy Paul, mwanami, ao ye munembeshi, kabiji ukemupa ka kitupa kakacheche, ne kwimunengezhezha juba, pa kimye kimo.

Kabiji umvwe twaikala na yoya misambo ya kwiipuzha ne mikumbu, nanchi apo po tukatwela mukachi, obewatu ne Amiwa. Kabiji inge banabakazhi babena kwiya, ukatwelamo amiwa ne bakazhi bami. Kabiji pano anweba. . . Tusakutana, ne kumukeya Nkambo kabiji ne ku mwipuzha Aye kyo mwafwainwa kuuba.

¹⁹ Pano, kikwabo, makatazho acheche ne bikwabotu, byapewa kwi Mulongo Neville, ne Mulongo Higginbotham, kabiji ne Nyenga Arganbright, kabiji ne bakwabotu bamba na jimi kabiji ne kulumbulula, baji muno mu kipwilo.

²⁰ Onkao mambo, atweba tuji pamo nobe lwendo. Naketekela kyajinga Yefelo, waambile kwi Mosesa juba jimo amba, monai, "Lekai tutolemo bamo bakulumpe." "Kabiji Mupashi wakwa Lesa wafumishiwe pe Mosesa ne kubikwa pa bakulumpe sebeta, kabiji ba awilenga. Pakuuba kana bikatampe nangwa bintu byakosa byo byayishile kwi Mosesa kwapwa." Bino, atweba kechi twi ba Mosesa ne, nangwa baabo kechi bo bakulumpe ne, bino nangwa byonkabyo tubena kwingijila Yehoba Lesa umo, na Mumbulungwa wa Mujilo umo kasa abena kwitutangijila kuya ku Ntanda yamulaye.

Nanchi, pano, ee, kukekala ne bakwabo, kukekala mpwijilo kabiji ne kulumbulu-. . . Bya kuyuka bapashi bikobiwa. Akyo kinkapanga kimye kyakwikala mu milombelo ne kutanga, moba o Nayuka mba aye misambo ya kwiipuzha ne mikumbu ikeya, pakuuba mba ne nengezhezha jimo.

²¹ Pano vulukai, Billy Paul Branham, munembeshi wetu wa mumwingilo, usa. . . Kiji pa. . . Palumbu pa kipabi kunyuma, na matulasiti. Njina kyanembwa kyakubijikwa, kabiji kya kubuula bantu amba bekitange pa kipabi kya palubumbulu, kimye kyakulupuka.

²² Pano, pano, lukeelo luno tuji na lufunjisho lukatampe, kabiji bufuku buno tusa kweseka kutwajijila. Kabiji, inge Nkambo waswa, Pamulungu wiya, ne jikwabo, tukaya monka. Amiwa kechi nayukile byo kyazhika ne poso byo Natatwile ku mutanga. Kabiji kikijitu kyafyamika kwi amiwa, nangwa byonkabyo, kabiji nanchi Amiwa naketekelatu mwi Nkambo.

²³ Pano, anweba muji na ma Baibolo enu, twayai tuzhikule mu Masalamo 99, 99. Kabiji Nsakutanga veeleshi wabu nambala 1, kipwilo kitange veeleshi wabu nambala 2, kabiji atweba bonse tusakutanga veeleshi wapelako. Tusakutwajijila; amiwa,

nambala 1; kipwilo, wabu nambala 2; ami, nambala yabu 3; kipwilo, yabu 4; kufikatu ne veeleshi wapelako, kabiji atweba bonse tusakutangila pamo. Twayai twimaneko byo tubena kutanga Kyambo kya Lesa.

Aye YEHOPA ye mfumu; lekai bantu bazakame: aye waikala mukachi ka bakelubi; lekai ntanda isukane.

Aye YEHOPA ye mukatampe mu Ziyona; kabiji aye uji peulu ya bantu bonse.

Balekai batote jizhina jenu jikatampe kabiji jilengsha moyo; mambo jo jazhila.

Bulume bwa mfumu bwatemwa buchibamambo; anweba mwikajika buchibamambo bwaesekana, anweba muchiba mambo monka mo aolokela mwi Yakoba.

Tumbijikai aye YEHOPA Lesa wetu, ne kumupopwela ku kyanji kyakutulapo maulu; mambo aye wazhila.

Mosesa ne Alona bo ba mu bang'anga banji, ne Samwela wa mwi boba beta pa jizhina janji; abo baichile pe YEHOPA, ne aye wibetabile.

Waambile kwi abo mujikumbi jaimana ja mulumbulumbu: balamine milaye yanji, ne byatongolwa byo ebapele.

Anweba mwibetabile, Anweba YEHOPA Lesa wetu: anweba mwajinga Lesa wibalekejileko mambo abo, nangwa anweba mwibalubwijile byubilo byabo byatama.

Tumbijikai aye YEHOPA Lesa wetu, ne kupopwela ku mutumba wanji wazhila; mambo aye YEHOPA Lesa wetu wazhila.

24 Twayai tukunyike mitwe yentu.

Kyakine, Nkambo, abye Byambo bya nembwa ne kufwachikwa na kalume Wenu, Davida, mu Salamo kwi Anweba. Anweba mwikala mukachi ka Bakelubi. Anweba mwi wazhila, kabiji ne mutumba wenu wazhila. Twayai tufwenya kwipi na michima yetu yasaswa na Mashi a kwa Nkambo Yesu, na milanguluko yatoka, kabiji na lwitabilo ne luketekelo lwakuuba mba tubena kwiya mu Kyeenyi kya Lesa wetu. Lekai jibumba jonse lukeelo luno jikale na muneema. Tushikule matwi etu a kukwatakanya. Ambai mwi atweba, na maana, pakuuba mba tuyuke byo twafwainwa kwikala atweba bene mu ano moba kabiji ne mu Kyeenyi Kyenu.

25 Twaipuzha kwi Anweba, Lesa wetu, amba mwitusolwele bintu byafyamika abyo byafyamikile myaka yonse ye, byo tubena kufwenya kwipi na bya bukishika bingi, Byambo byazhila. Anweba mwi kyambile kimye kyo Mwajinga pano pantanda, ne kwamba mba, "Aye utanga, mulekai omvwishe." Nanchi,

na butemwe bwawama twaiya kwi Anweba, Nkambo, na kukeba maana Enu, kwakubula kuyuka ne byo twafwainwa kwamba ne. Nantachika Binembelo bicheche papo, kabiji na muneema naketelatu mwi Anweba pakuuba mba tambule mukumbu, kechi mambo a kintu kikwabo ne kana na mambo a kukeba kuyuka kimye kyo tubena kwikalamo, pakuuba mba twikale benengezha na bintu biji kulutwe yetu. Anweba kechi Mwakonsha kwikipana kwi atweba nenyi, Nkambo? Mu Jizhina ja Aye Witufunjishe mba twafwainwa kulomba muyuwe musango:

Taata Wetu Wa Mwiulu, Jizhina Jenu Jizhile.
 Bufumu Bwenu bufike. Kyaswa muchima
 wenu kyubiwe panopantanda, byonka byo
 kyaubiwa Mwiulu.
 Tupai kajo ketu kaleelo.
 Kabiji tulekelaike mambo etu, byonka byo
 tulekela betulenga mambo.
 Kabiji kechi tutwalwe mu lweseko ne, pakuuba
 tupokololai ku bubi; mambo Bufumu bo
 Bwenu, ne bulume, ne lukumo, myaka ne
 myaka. Amena.

²⁶ Ikalaiko. Bino, inge bantu baji bonse babena kukeba kuvuula makochi abo, ikalaitu mwakasuluka. Kabiji ne booba baimana ku—ku lubaji lwa kibumba, inge kulu kobe kwakola, kika, kasulukaitu kulupuka pangye.

²⁷ Kabiji pano, Nalanguluka mba, inge baana bakeba kuya mu bibaamba byabo, nangwa kana bapalang'ana kala nyi? [Mulongo Neville waamba mba, "Ine, kechi be kyuba ne. Atweba kechi tuji nakyo lukeelo luno ne, na mambo a jibumba."—Waku.] Aye kafunga waamba mba jibumba jiji mubibamba bikwabo, nanchi kechi twakonsha kwikala na sukuulu wa pa Mulungu wa banyike ne. Kabiji twakonsha kwikala balusekelo inge balongo banyike baikala netu na lumvwang'ano, byonka byo tuji lukeelo luno, tubena kutatula kikatampe, Mbila yakila bingi mu kuwama Naketekela isakwikala na kilumbululo kyabaya kwi bashenu ne bainenu, kabiji ne batemwe benu baji muno, kabiji ne kwi anweba banyike. Nanchi, twafwenya kwipi na muneema wabaya bingi.

²⁸ Inge Nkambo waswa, lukeelo luno tubena kutola mutwe wa milungu makumi atanu na abiji ya kwa Danyela. Kabiji lukeelo luno tubena kwamba pe Danyela mu buzha, kabiji kwiya kwa Ngabaliela na ku mukambizha pa bintu byakulutwe. Kimye Danyela kyo ajinga mu milombelo, Ngabaliela, Malaika, waishile na kuleta mikambizho.

Bufuku bunu, Nakeba kwamba pa bintu bitanu na kimo bya lwendo Lwanji, bintu bitanu na kimo byapusanapusana bisakuletwa bufuku bunu, byaendejile Ngabaliela.

²⁹ Pamulungu wiya, inge Nkambo waswa, Nakeba kubika ene mambo ne kimye kya Mankulo Atanu na abiji a Bipwilo, kabiji ne bimye byo biji, kabiji pepi potwaina leelo. Akyo ke pa Mulungu wiya lukeelo, inge Nkambo waswa.

³⁰ Pano, ene mambo a kikye. Amiwa naleta tubintu tumo tucheche kufuma mu Mbila yami icheche yapita kunyuma. Kabiji lukeelo luno Nakeba kwamba bitende, mambo abye biji pa tepu ukwata mawi ao ukaya pantanda ponse, mu byaalo byavula. Kabiji, kimye kyonse, ene mambo Amiwa o mpitulukilamo, kapepo muntu umo wakonsha kumvwa tepu pa kimye kitanshi, kabiji kechi wakonsha kumvwa mo Nalumbulwila ne inge Natongola ku kintu kimo kyakunyuma.

³¹ Twaikala bang'ondo na kufunda Buuku wa Lumwekesho, Alwa Lumwekesho Lwa Yesu Kilishitu. Twaiya kupita mu mankulo abipwilo. Byapitala bisatu bitanshi bya Lumwekesho ke mankulo abipwilo. Pano Yoano watwajilwe mu kyapitala kyabu 4 ne kyabu 5, kabiji bamumwesheshe bintu abyo—abyo bikamweka palutwe. Pano, mu kyapitala kyabu 6, aye wabwela pantanda jibiji, nakumona bintu bikobiwa kufuma mu kyapitala kyabu 6, veeleshi wabu 1, kufika ne mu kyapitala kyubu 19 kabiji ne veeleshi wabu 21. Amwe mo muji Tutetesho, Myalo, Malwa, zhiye, ne—ne mwanamukazhi uji ku juba, kabiji ne kutaiwa panshi kwa nsung'unyi uchila, kubikwa tutetesho pa ba aduleendi foote-foo sauzande, kabiji ne byonse bye bintu.

³² Uno ke mulungu wakufunda kyawama bingi. Keesha, juba jonse, Amiwa kechi nafuminemo mu kibamba ne, nakweseka kutanga. Kabiji ke kintu kya mu kimye kyapeloko, bavula babanda-bakala muno, bo Nafunjishanga, Naambangatu mba, “Amwe muji milungu sebeta yakwa Danyela,” bino kechi Natwelangamo ne, na kwikilondolola ne. Pakuuba kino kimye, ku lusa lwa Lesa, Amiwa nekibika pa muchima kweseka kwipuzha bupe ku meso a Lesa, amba Nakonsha kwikileta ku bantu. Kabiji muno Amiwa mbena kutanamo bintu byo Nabula kuyuka kintu nangwa kimo ne.

³³ Kabiji, pano, Na—Nabatangenga buuku wakwa Dr. Larkin, buuku wakwa Dr. Smith, byanemba Dr. Scofield, ne mabuuku alufunjisho anembwa na bantu konse konse, kabiji nangwa byonkabyo Amiwa kechi nakonsha kubika milanguluko yabo pamo pakuuba mba mufume kintu kimo ne. Mwamona? Nanchi, uno mulungu Mbena kutachika, na bapepulenga kishimikwa kya mabuuku ku Kentucky, a amba pa bintu byakala byenda ntanda ne makalenda ne bimye, kabiji kusenda kufuma mu bishimikwa bya mabuuku, kabiji ne bikwabotu, mabuuku onse akala o Nakonsha, kabiji ne kumona bicheche byo Nakonsha kuuba, kabiji kasa nji na luketekelo mwi Yesu Kilishitu amba ansolwelebyo.

Mambo, Amiwa kechi nkeba kwamba mba, “Nayuka *kikye*, kabiji Nayuka *kyokya*.” Aye wayuka muchima wami. Aye ubena nkuteleka amiwa. Bino Nekikeba, amba Nakonsha kubuula bantu Banji, onkao mambo Naketekela mba Aye usa kwikipana kwi amiwa. Amiwa kechi nakiyuka ne, bino Mbeni kumuketekela Aye pa Mulungu ubena kwiya, mambo akyo kikekala kintu kyawama bingi, Pamulungu ubena kwiya, kuyuka kabiji ne kubika milungu sebete pa bifulo byayo.

³⁴ Umo uji na kifulo kyapusanako. Kabiji umvwe wauba, wapitulukamo mu byonse, kechi bikumanatu bulongo ne, kechi bifikilamotu bulongo ne. Kechi kyakonsheka ne. Kabiji, onkao mambo, Amiwa—Amiwa kape kechi nakonsha kwikiyuka bulongo ne, bino Amiwa nsakwikala na luketekelo mwi Nkambo pa kikye.

³⁵ Kabiji Navuluka Solomoni kimye kimo walombelenga ne kwipuzha Nkambo Lesa inge Aye wakonsha kumupa maana, kechi anjitu mwine ne, “kechi kunungwako kwa moba ne, kechi bumi bwalepa ne, kechi bunoshi ne,” pakuuba mba ekale na maana a—a—a kuyuka mwakupingwila bantu bakwa Lesa. Kabiji Lesa wanemekele yewa mulombelo, ne kumupa Solomoni maana, mambo kyajinga kya bantu Banji. Kabiji ao oene mambo o Mbeni kwipwizha Lesa pakuuba mba ngyuke kilumbululo kya milungu sebete, mambo Nayuka mba ye mwine kalenda wa nkulo yo tubena kwikalamo. Kabiji, onkao mambo, Nasaka kwi kiyuka; kechi na mambo a amiwa mwine ne, Amiwa . . . kechi kyami amiwa mwine ne. Mambo, Nasaka kwi kiyuka. Amiwa kechi ne kyambila mu jojo jishinda ne, “Kechi kyami amiwa mwine ne,” mambo Amiwa kechi mbeni kwinkebelakyo amiwa mwine ne. Nasaka kuyuka, mambo Mbeni kukeba kuyuka kwepi ko tubena kwikalamo kabiji ne ng’anyi kimye kyo tubena kwikelamo. Kabiji, nanchi, Nayuka mba akya kyapainwe.

³⁶ Kabiji bavula bapusanapusan balangulukilepo, kabiji bajinga nakyonyuma kwine. Umo mulunda, Natangilenga, byapelejiletu mu 1919, aya milungu sebete. Kyawama, akyo kechi byokyajinga ne.

Nanchi, pakupita milungu sebete, panyuma ya milungu sebete, byonse nishi byapwa. Nanchi atweba—atweba kechi . . . Tubena kukeba kuyuka Bukine. Kabiji Mbeni kwipuzha Lesa amba ampe Bukine.

³⁷ Pano, pakuuba mba tukwatakanye kikye, tubwele panyuma, Nasaka kupitulukamo pacheche kubwela kunyuma. Nanchi, onkao mambo, byambo bimo byo Nanemba papo, byotwajinga nabyo kyabu 5, kyabu 4 ne kyapitala kyabu 5, pakuuba mba bantu bomvwiwe. Kitanshi, kasa tukyangye kuuba kikye, Nasaka kupitulukamo mu kikye, pakuuba mba anweba mutatwile mu kyabu 4 . . .

Pano, vulukai, kyapitala kyabu 3 kyajinga Nkulo ya Kipwilo kya Laodikeya, kabiji Kipwilo kyatwajilwe mwiulu kumpelo ya Laodikeya.

³⁸ Bino, Amiwa naesekelenga kulondolola kintu kimo ku bakazhi bami. Najinga ne Becky, mwanami wamukazhi, na misango ya mabuuku alumbulula mulaka apusanapusana ne bintu bikwabo byo twakonsha kumona. Abyo kechi bipana mukumbu ne. Amiwa njina buuku ulumbulula byambo bya mu Baibolo. Amiwa njina buuku wakala ulumbulula Kingiliki. Ami—Ami njina—Websters ne akwabo avula, mabuuku akatataka alumbulula mulaka. Kafwapo nangwa umo wakonsha . . . kupana byambo nangwa mikumbu, nangwa pachechetu ne.

³⁹ Mukazhi wami waambile mba, “Ubena kuketekela byepi bantu betu, abo ke bantu bayaji, kabiji bavula ba mwi abo ke babula kufunda nobe byonka byo tuji, pakuuba mba bakwatakanya biji bibye?”

Naambile mba, “Lesu ukapana mukumbu.”

⁴⁰ Nangwatu kikale kyazhobakana byepi, Lesu wakonsha kwikisataula ne kwikipelesha. Mambo atweba twi . . . kibese kya boba bantu babena kukabila, na kulombelela joja juba ne yewa awala. Kabiji meso etu atala Mwiulu, kabiji tubena kupembelela Kwiya Kwanji. Kabiji Amiwa kine nashininwa mba Aye uketumweshu. Bino, kechi kikabulang’ana juba nangwa awala ne, mambo kafwako muntu nangwa umo ukayuka kyokyo ne, bino kine kiketubuula juba ja mulungu jo tubena kwikalamo, inge twakonsha kwikitambula.

⁴¹ Pano, mu kyapitala kyabu 4, Yoano watwajilwe ponkapotu, panyuma ya Kipwilo. Yoano, byo aile mwiulu, wamwene nkulo ya Kipwilo yapwijijika. Apo ipo po Nasaka kulekela, pa sekodi umotu, ne kwamba, mba: bantu bavula babena kuketekela bintu bikatampe, byabaya, byabulume kumweka, mu nkulo ya ba Ngetila, kine bayatu mungi. Aya nkulo ya Kipwilo, kabiji ne byonse bikamweka mu kimye kya ba Gentila, byanembwa kufuma mu Lumwekesho 1 kuya ku Lumwekesho 3, kunungakanyatu. Ponkapotu Kipwilo kya twajilwe mulapicha kuya kwiulu, kabiji ne byonse bye byashala, kufika ku kyapitala kyabu 19, ke byobya bikamweka ku mutundu waki Yudeya, panyuma ya Kipwilo kyaya kwiulu. Kabiji ke kimye kya Malwa akatampe, kafwako nangwa kimo kyakumweka mu Bangetila ne; kanatu kwipayang’ana, ne bintu bikwabotu, nobe byo tusakufika ku kyokyo tumone.

⁴² Pakuuba Kipwilo, Akyo kine, kyaya mu wabu 13 . . . Pa veeleshi wapelako wa kyapitala kyabu 3 kya Lumwekesho, kimye Nkulo ya Kipwilo kya Laodikeya po ikapwa, ayo yajinga yapelako.

⁴³ Kabiji twatolele kila nkulo ya kipwilo, kila kimye, kyonse kintu kyamwekele, kila kabaangabanga, kila muluwe, musango wabo, byo baubile, ne kwibileta kwiya mwaila mpito kufika ne ku yapelako, ne kilengele popa pa kipikichala, pa lubaji lwa lubumbulu. Kabiji byo twapwishishe, aye Mupashi Wazhila waishile walenga kizhingu kya kintutu kimo ku lubumbulu, kabiji wikisolwele Ayemwine monka muno kwi atweba bonse.

⁴⁴ Bino, pa kuuba kikye, Naketekela, ku mpelo ya kikye Aye ukeya na kintu kimo kyabaya bingi na kwitumweshwa jibiji amba tuji mukimye kya kumpelo.

⁴⁵ Baanga ba mwi anweba baumvwine Kennedy... ng'ambilo ya Ndamakyaalo Kennedy, byambo ne bikwabotu? Baanga baumvvene kukwe kwambila jimo, amba pa kufika pa 1 Kakubokache, wa ambijile jimo amba bonse babiji ba United States ne Russia bikekalatu ke buto? Akyo kyo kyonka kikebewa. Kiji pepi kukila ne byo tulanguluka. Mwamona? Nanchi, inge tuji pepi bingi kyakuuba mba ne bantu ba panopantanda babena kwambila jimo na kikye kyabaya kikamweka, twafwainwa kwikala babena kukeketa, bintu byonse byafwainwa kufikizhiwa monka mo byatongwelwa, ng'ambilo yonse yambiwa, bintu byonse byanengezhiwa, mambo kechi twayuka ne kana ng'anyi kimye Nkambo yetu po aketwita. Kabiji inge Aye waitang'ana mba, "Iyai kuno," kyafwainwa kwinengezhezha jimo. Kabiji kikeya mu kimye kyo mubena kubula kulangulukapo.

⁴⁶ Akwa kusangululwa ku katampe kwa ki Pentekosito ke kuye na kupwa. Tubena kwikimona konse konse, kipekenyi kikatampe kyapelako. Aye Mbila yaya kwalepa. Bintu byonse pano byanengezhiwa, bibena kupembelela. Akyo Kipwilo kyafiwa mu katetesho. Babi batwajijilatu na kuba bubu bwakijisha. Bipwilo byaikala ke bipwilotu. Abo bazhijikwa babena kufwenya pepi ne Lesa. Bya bupe bya Mupashi byatatula kunanuka mu mabumba acheche. Tuji mukimye kya kumpelo. Oo, Natemwa yewa lwimbo ye twaimbanga mu kipwilo.

Amiwa mbena kutajisha kwiya kwa joja juba
jikatampe ja Myaka kiumbi kimo,
Kimye Nkambo yetu wapeshiwa po akeya
na kusenda Musongwa Wanji ubena
kupembelela;
Oo, muchima wami ubena kujila, na kukabila
joja juba ja buwame bwawamisha,
Kimye Mupulushi wetu kyo akabwela
pantanda jibiji.

⁴⁷ Kupembelela kyokya kimye! Pano, mu kyapitala kyabu 5 ne maveeshi abu 5, twatana mba, mu lufunjisho lwetu lwapita panyuma, po twaambilepo pa Mukuzhi Wamukipasha kyetu, twatana kuuuba mba awa wajinga Kilishitu. Twapashang'enyeye

ne Luta: Luta wafukula; Luta kwingijila; Luta kukokoloka. Kufukula, kyajinga lubingisho; kwingijila, na kwiningezha aye mwine, kutokeshiwa; kukokoloka, wajinga na Mupashi Wazhila, poso Kijilo Kyamasongola byo kyafikile. Byo kyawama!

⁴⁸ Akyo Kipwilo kyaishile kupichila mwi John Wesley, lubingisho, nangwa... Martin Luther, lubingisho; kupichila mwi John Wesley, kutokeshiwa; kupichila mu Pentekosito, lubatizhilo lwa Mupashi Wazhila; kabiji pano, kukokoloka, na kupembelela Kwiya kwa Nkambo Yanji. Kyalumbululukatu!

⁴⁹ Mukuzhi Wamukipasha Kyetu, bakulumpe bajinga bulongo byo bamutelele mba Aye Mwanamukoko, pepitu kwikala Bokwe, nobe chibishiwamambo. Aye wajinga Mwanamukoko, mwayukatu, wajinga na Buuku wa tutetesho-tutanu na tubiji. Kimye Buuku kyo atolelwe, mwingilo wa bung'ambi wapwile.

⁵⁰ Pano, mu kyapitala kyabu 3, Kipwilo kyaile mwiulu, pakuuba pano bukuzhi ke buji peepi kusololwa, Kipwilo byo kyakulwa—kyakujilwe, lumwekesho lwa byaubiwe mu kimye kya nkulo ya Kipwilo. Monai, Kipwilo kyaya, nanchi Aye ubena kwimweshwa, mu kyapitala kyabu 5, Aye byo ekyubile, kika kyamwekele, Aye byo abikile katetesho pa Kipwilo. Lumwekesho lwa Jizhina Janji; lubatizhilo lwa mumeema, kwingijisha Jizhina Janji; Bumi Bwapeenape; kechi kuji ngehena Yapeenape ne; lukunwa wa muloolo; Bukikizhi bwa peenape; mafunjisho onse akatampe, kutongwelwa jimo kwa Kipwilo kyasolwelwe ku Kipwilo. Ubeni kumweshwa Aye byo ekyubile.

⁵¹ Pano, Mukuzhi wa mukipasha kyetu wampewa Buuku wa Bukuzhi uji na tutetesho-tutanu na tubiji kufuma ku mwine mutanshi Mwinaye. Amena! Ao wajinga, twatana kuuba mba, wajinga Aye Mwine? Lesa Ayemwine. “Kabiji Mwanamukoko waishile ne kutambula Buuku kufuma mu kuboko kwa kilujo kwa Aye waikala pa Jitanda.” Wajinga ng'anyi Mwanamukoko? Aye Mukuzhi, Mukuzhi Wamukipasha kyetu, Wamukipasha kya Kipwilo, Ao waishile nakukula Isalela.

⁵² Pano tusakutwela mu kyokyo lukeelo luno. Isalela wakujilwe, bino kechi kyaingijiwe kwi abo ne, mambo Aye bamukaine. Bino, Kipwilo kyatambwile bukuzhi bwakyo, kabiji Aye ye Mukuzhi Wamukipasha kyetu. Byonka Bowaza byo akujile Naomi, pakuuba mba atambule Luta, mwina Moabu, mwenyi, Ngetila, nanchi Kilishitu wakujile Isalela, wabikilepo bukuzhi, kabiji ba mukaine.

⁵³ Anweba mwavuluka kulekelwa kwa mambo, muntu walozelwe, akyo Amiwa kyo mbulang'ana kimye kimo? Mukimye kya nkondo, kimye... Aye wajinga muntu wawama. Aye wajinga wabula mambo, kabiji bamuzhachishe na mambo. Nangwa byonkabyo, watainwe na mambo mujishinda jimo, amba wanyemene mu kimye kya nkondo. Kabiji bamutaine na mambo kabiji bayilenga na ku muloza. Kabiji muntu waile

kwi Ndamakyaalo Lincoln ne kwaamba mba, “Mr. Lincoln, awe ke muntu Mwinakilishitu. Aye wajinga bingi na moyo. Aye nsongwalume, Nayuka bantu banji. Aye wajingatu na moyo. Aye kechi waimejile pa kwipaya ne. Aye wanyemene.” Waambile mba, “Mr. Lincoln, kiji mu maboko enu. Obewa yobe wafwainwa ku mulekela mambo.”

Mr. Lincoln watolele kipepala ne pezulu wanji, kabiji wafwachikile, “Nalekela mambo awe *Kananga-ne-kananga*. Abulahama Lincoln.”

Aye wabwelele lubilo ku kaleya, ne kwamba mba, “Akye kuno. Nakutambwila kulekelwa kwa mambo.”

⁵⁴ Kabiji muntu waambile mba, “Amiwa nakana kutalapo. Kyafwainwa kwikala na katetesho kakatampe. Kyafwainwa kwikala bintu byonse. Obewa ubena kundengela kwikala ke kyakuseksha. Kechi Abulahama Lincoln ne. Uji yense wakonsha kufwachikapo jizhina janji. Bino kyafwainwa kwikala kyanembwa na katetesho kanji, ne bikwabotu, inge kyafuma kwi aye.” Kabiji awa muntu wamupachikizhe bingi; nangwa byonkabyo awa mwanamulume mu mukaleya walangulukile mba babena kumusekeshatu, kabiji wafumineko.

Lukeelo lwalondejilepo, bamulozele. Kabiji panyuma ya ku muloza, pano kwaikele kije kya mambo, mambo Abulahama Lincoln, ma awala tweti-foolo muntu kasa akyangye kulozwa ne, wafwachikile jizhina janji amba awe muntu walekelwa mambo. Kabiji pano kafulumende wamulozele, nangwa byonkabyo. Pano kika? Nanchi kije kikatampe kya United States, kyaambile mba, kyafikile pa yuwe mulanguluko wa Bije bikatampe, kyaambile mba, “Lulekelo lwa mambo kechi lwikala ke lulekelo lwa mambo ne kanatu lwatambulwilwa mba lulekelo lwa mambo.”

⁵⁵ Kabiji Yesu wakujile Isalela pa Kalvali. Bino kechi ke lulekelo lwa mambo kwi abo ne, mambo kechi be lutambulwijile mba lulekelo lwa mambo ne. Bino, mwaila lufunjisho lwetu lwa milungu sebete, twatana kuuba mba babwela batambula lulekele lwa mambo lwabo. Bino, Aye wakujile Kipwilo, nanchi atweba twalekelwa mambo mambo akuuba mba twatambula Mashi akwa Yesu Kilishitu nobe lulekelo lwa mambo etu.

⁵⁶ Pano, twatana mba Aye wajinga Mukuzhi Wamukipasha kyetu, kabiji Watambwile Buuku kufuma mu kuboko kwa Mwine. Ke kayukilo kaluusa lwa pa bukuzhi. Twatana kyokyo. Anweba mwavuluka lufunjisho? Ke luusa lwa pa bukuzhi. Ke luketekelo lwa luusa lo uji nalo, alo Lesa lo akebelenga bumi pa lufu, mu bujimi bwa Edena. Nanchi, Yesu, Umo waoloka, wafwile kabiji watambwile kayukilo ka luusa, kabiji wakonsheshe kushikula Tutetesho, ne kusolola byajinga mwi Ato; kabiji wapaine buswany, bwajinga Bwanji, ku bantu Banji. Bumi Bwapeenape, bo aswaine Aye pakuuba kyokya, Aye wapaine Bumi Bwanji Aye mwine, pa Kalvali, kabiji

wibwabenye kwi atweba monka mu Mupashi Wazhila. Amena! Kafwako muntu nangwa umo (kafwako) wa kilangulukapo kala pa abwa butemwe byo bwajinga ne, byo aubile Aye!

⁵⁷ Satana, kimye kimo wajinga kalama mambo akupona kwa mu bujimi, wakaswa ne kutaiwa mu Kizhiba kya Mujilo. Moba anji apwa.

⁵⁸ Yesu, mu Mamboawama, wajinga na bifulo bina. Twakwachile kyokyo. Mwaana wakwa Davida, swanyi pa Jitanda; Mwaana wakwa Abulahama, aye wa mubufumu bwazhila; Mwaana muntu, swanyi wa pano pantanda; Mwaana wakwa Lesa, swanyi wa pa bintu byonse. Aye wa mubufumu bwazhila!

⁵⁹ Mu Lulayang'ano Lwakala, kipe kechi kyafwainwa kwikala—kechi kyafwainwa kulamwa kukila pa myaka fifite ne. Kechi kyafwainwa kwangatwa kufuma ku mwine kukila pa myaka fifite ne. Kabiji pa juba jabu foote Aye walipijile mfuto. Pa juba jabu fifite, bukuzhi ne bulume buji ku lubaji lwa Kipwilo, abo bwatailwe mu bujimi bwa Edena, bwakujilwe bwabwela, kabiji ne kutumwa kwi atweba monka mu lubatizhilo lwa Mupashi Wazhila, pa juba jabu fifite.

⁶⁰ Kabiji twasendele kikye, muvungilo wa buuku. Twamwene mivungilo ya mabuuku, awa muvungilo wa buuku wapainwe ku kuboko Kwanji. Byo kyaubiwe kwi Yelemiya, mu Yelemiya 32:6, mumvyala wanji, Hanameela, washijilwe buswanyi. Kabiji bailenga mu buzha. Akyo, kyo tubena kutwelamo, nanji, lukeelo luno: mu buzha. Kabiji kyalaminwe mu kipe kya buchimba; kimwesa kwepi kuji bulume bwakwa Lesa, kabiji ne mivungilo ya mabuuku kabiji ne byafyamika bya Lesa, byayukanyikwa, mu muchima. Mutanchi wetu wa bukuzhi, ne abo bwalamwa mu bipe bya buchimba, Mujizhina ja Yesu kabiji ne lumwekesho.

⁶¹ Twatana kuuba mba abwe bwabikilwe katetesho na Tutetesho Tutanu na tubiji, kabiji kamo kamo Katetesho kapombelwe. Kabiji monka mwayishijile lumwekesho, Aye washinkwile Katetesho, kabiji wikakasulwile ne kutanga watanga byaamba aka Katetesho. Nanchi Aye waubile ne kalondejilepo, muvungilo wa buuku, kabiji watangile aka Katetesho byo kaambile. Waubile walondelapo, wikakasulula kabiji wamona byaamba aka Katetesho, kabiji ne lumwekesho byolwajinga. Abyo kine Tutetesho Tutanu na tubiji byo tuji, amo mo tubena kutwela katataka, twaketekela, mba abyo byotukooba. Katetesho Kamo, inge kafumishiwamo mu Buuku, ka kapombololwa, kabiji akya kimwesa kine kintu kyaubiwe.

⁶² Twatana kuuba mba kuji “sebeni,” faivi mu mutanchi wa bukuzhi. Faivi yo nambala. Kabiji kuji ba sebeni faivi: Tutetesho Tutanu natubiji, Mipashi Sebeni, bamalaika sebeni, Matolopita Sebeni, kabiji ne mankulo abipwilo bitanu na bibiji. Nanchi, mwamona, basebeni faivi ke bupe. Faivi ke bupe, kabiji sebeni ke

kulumbuluka. Nanchi kijitu mundonda yalumbuluka bulongo, mwamona. Kijitu bulongo.

⁶³ Nobe, kila Katetesho kashinkulwa mu Kyambo kya Lesa, kasolola ku muntu wayoyo nkulo, ng'anyi nkulo yo tubena kwikalamo, mupashi wa nkulo, kipwilo kya nkulo. Lumwekesho 10, pa mpelo, twatana kuuba mba Katetesho kapelako byo kashikukile, twatana Malaika waimana na kulu kumo pa mushinji, kabiji kukwabo pa kalunga, na maboko Anji asutulwa Mwiulu, kabiji ne kakongolo ku mutwe Wanji, kasa abena kuchipa kwi Yewa waikala myaka ne myaka, amba kimye kyapwa, kimye kya Katetesho kapelako. Kabiji pembelelai poso twatwela mu totwa Tutetesho pakuuba mba tukamone aka Katetesho kaji kwepi.

Panyuma ya kutana milungu makumi atanu na ibiji, pano monai kwepi kuji Tutetesho, "Kimye kyapwa," bukuzhi bwapwa, Aye pano ke Bokwe ne Chibishiwamambo. Aye ye Mupulushi wenu lukeelo luno, bino juba jimo Aye ukekala ke Chibishiwamambo wenu.

⁶⁴ Kyabu 8 ku nambala yabu 1...veeleshi wabu 14 wa kyapitala kyabu 5, wasolola kimye kyakupopwela Mwanamukoko, ponse pabiji Mwiulu ne pantanda; Buuku wa tutetesho-tutana na tubiji, Mwanamukoko wafikilamo, Mukuzhi Wamukipasha. Kabiji kufuma ku veeleshi wabu 8, kufika ne ku veeleshi wabu 14, Bamalaika bamupopwela Aye, bakulumpe bamupopwela Aye, Bilengwa byumi byamupopwela Aye. Kabiji Yoano wa mupopwejile Aye kyakuuba mba waamba mba, "Kilengwa kyonse Mwiulu, ne pantanda, ne panshi yantanda, byang'umvwine amiwa kwamba mba, 'Mapesho, lukumo, bulume, maana, bikale ku Mwanamukoko.'" Kimye kya kumpopwela Mfumu Mwanamukoko. Akye kimye, Kipwilo kyaya, vulukai.

⁶⁵ Pano twayai tuzhikule kwi Danyela, kyapitala kyabu 9, kabiji yabu 1 kufika ku maveeleshi abu 3. Kabiji tusakusenda wabu 20 kufika ku wabu 27, mambo awe ke mulombelotu wakwa Danyela. Nasaka mba mutangulule kikye jikwabo ne jikwabo, mu mulungu yense, pano, poso mwikikwatakanya.

Mu mwaka mutanshi wakwa Daliusa mwaana wakwa...wa mu kisemi kya bena Media, yenkawa waikajile ke mfumu wa bena Kalondeya;

Mu mwaka mutanshi wa bufumu bwanji Amiwa Danyela...-umvwishishe, naumvwishishe mu mabuuku aya nambala ya...myaka, yaambile kyambo kya Lesa kyaishile kwi Yelemiya ngauzhi, amba Yelusalema ukekala ke masalatu myaka makumi atanu na abiji.

Pano (kyalondelapo) Natazhizhe kilungi kyami kwi Yehoba Lesa, saka na mukeba mu milombelo ne mu

misashijilo, kabiji kasa nzhikilwa na nzala, ne kuvwala kisapi kya majilo, ne kwipukula buto:

...Nalombelenga kwi YEHOBA...Lesá, kabiji ne kwisolola kwami,...

⁶⁶ Kabiji ne kuyatu ne kuyatu, poso twafika ku veeleshi wabu 20. Mu kupulusha kimye, bantu baimana, Nakeba namba anweba mufike ku 20, poso kufike ne ku—ku veeleshi wabu 20.

Kabiji byo Nakyambilenga, ne kulomba, kabiji ne kwisolola bubi bwami kabiji ne bubi bwa bantu bami bena Isalela, kabiji byo nakipainenga misashijilo yami ku meso a YEHOBA Lesa wami ku mutumba wazhila wa Lesa wami;

Kabiji, byo Nakyambilenga mu milombelo, awa muntu Ngabaliela, yenka ye Namwene mu kimwesho kuntendekelo, ntendeke...waishile lubilo kasa atumbuka, wankwachile pa kimye kya kitapisho kya mabaanga.

Kabiji wambujile amiwa, ne kwamba ne amiwa, kabiji waambile mba, Obewa Danyela, pano Naiya na kukupa maana ne kumwisha.

⁶⁷ Ibyepi umvwe twajingako! Wa mutaine byepi Aye? Mu milombelo.

Aye Malaika, “awa muntu.” Mwamona, aye Wamutelele mba, “awa muntu.” Kabiji byo ajinga...

Ponka pa kimye kyo natendekejilepo kusashijila mukambizho waishile kwi amiwa, (kabiji waishile kwi aye amba aye), kabiji Amiwa naiya na ku kumwesa obewa; mambo obewa wi watemwikwa bingi: inge...onkao mambo umvwishe ano mambo, kabiji ulangulukepo pa kimwesho.

Makumi atanu na ibiji ya milungu atongwelwa ku bantu bobé ne pa muzhi obe wazhila, nangwa muzhi obe, mu kupwisha mizhilulwila,...ne mu kukanya bundengamambo, ne mukufuchila bubi, kabiji ne mu kuleta bololoke bwa myaka, ne mu kushinka na katetesho bimwesho ne bya bungauzhi, kabiji ne kushingapo manyi apa pene Pazhila.

Abyo byo bintu bitanu na kimo bya ene mambo a kwiya Kwanji. Pano monai.

Pano, onkao mambo, uyuke ne kumwisha mba, (pano telekai) kufuma ku kyokya kimye kyo bakapainapo mukambizho wa kunengezha ne kushimukulula Yelusalema kufika...Awa Mushingwa Mfumu kukekala milungu itanu na ibiji,...ne milungu makumi atanu na jimo ne milungu ibiji: kabiji mukwakwa

bakamushimukulula jibiji, ne nsakwa, mu myaka yakatazha.

...pakupita aya milungu makumi atanu na jimo ne milungu ibiji awa Mushingwa bakamwipaya, pa kubula mambo: kabiji ne bantu bamfumu ukeyapo—mfumu ukeyapo...bakonauna muzhi ne nzubo yazhila pamo; kabiji mpelo yanji ikekala nobe kukumpulwa na muyulo...kukekala nkondo ne bya lonaiko byatongolwa kufika ne ku mpelo.

Kabiji awa mfumu ukalayang'anana (telekai) na bavula mulungu umo, umo wa iye milungu makumi atanu na ibiji: kabiji mukachi ka yewa mulungu ukebakanya kulambula bitapisho ne...milambo, kabiji ukapingakenyamo kya bunya kileta lonaiko, kufikatu ne kumpelo, poso aya mpelo yamutongwelwa awa monaushi ikamufikile.

68 Pano, alo lo lufunjisho lwetu lwa londelapo pa mpwijilo isatu, foolo, mpwijilo faivi, monka aye Nkambo mo akasolwela. "Milungu makumi atanu na ibiji."

69 Pano, Amiwa nsakwipuzha doko, inge wakonsha, bufuku buno, kubika bbondi wami papo, pakuuba mba Nakonsha kunembapo. Amiwa kechi nakeba mba kimupite ne. Pano mwafwainwa kufunda pamo ne amiwa, kabiji kufunda kwaya palepa, inge ne musakwikutupila. Kabiji Nakeba mba ndenge papo pa bbondi ufita, kabiji mwaleta bipepala ne mapezulu enu kabiji munembenga ao moba, abye bimye, kabiji ne byonse bijipo.

70 Pano, mulungu wabu sebete watatwila (pano umvwai kikye) panyuma ya kushikulwa kwa Kipwilo. Pano, bonse baumvwa kyokyo, ambai mba, "Amena." [Kipwilo kyaamba mba, "Amena."—Waku.] Pano, panyuma ya kushikulwa kwa Kipwilo.

71 Lumwekesho 6:1, kufika ku Lumwekesho 19:21, byanungakana na milungu sebete, onkao mambo twafwainwa kwimana ne kwi kilondolola, kasa tukyangye kuya kulutwe. Twafwainwa kwimanako ne kulumbulula ene mambo a yiye milungu sebete. Mambo, inge wabula, wakonsha kutupila tutwe Tutetesho, wakonsha kutupila aa Matolopita, wakonsha kutupila aya Michiba, aya Myalo, aya mipashi isatu yabubipisho iji nobe babombwe, aa Malwa asatu, kupangwa kwa kufuma mwiulu kwa nsung'unyi uchila, mwanamukazhi uji ku juba. Mwakonsha kwi bitupila byonsetu, inge wabula, mambo byonse bikobiwa monka mu mulungu wabu sebete. Amo mo bikobiwa.

72 Pano, ngauzhi Danyela waikela mu Babilona myaka sikisite-eiti. Anweba mukeba kupitulukamo kubwela lunyuma, ne kupulusha bimye, byo Najinga nabyo na—na kwibikeba. Myaka sikisite-eiti! Aye wayile mubuzha mu B.C. 606, kabiji kimwesho

kyaishile kwi aye mu—mu B.C. 538. 538 kufuma mu 606, mwashala sikisite-eiti. Sikisite-eiti myaka wajinga mu Babilona, mukachi ka bantushi, nangwa byonkabyo wajinga na lushijilo. Amena. Atweba kechi twakonsha kwikala awala umo ne.

⁷³ Bino wajinga mwine mukachi, kwakubula nangwa umo ne kanatu balunda basatu, kabiji ne abo bajinga mu mampuzha a bufumu apusanapusana. Bino, Danyela, waimene bunke na Lesa, wajinga na lushijilo pa myaka sikisite-eiti. Kilangulukaipo! Amiwa kechi mbena kukeba kutatula kusapwila ne, mambo aye yafwainwa kwikala Mbila ya lufunjisho. Bino, myaka sikisite-eiti, aye walamine lushinjilo kabiji wajinga wabula kwizhilulula, kumeso akwa Lesa; kwakubula lubatizhilo lwa Mupashi Wazhila ne, kwakubula Mashi akwa Yesu Kilishitu a kumusashijilako ne; na mashi aba ng'ombe balume, ne bambuzhi, kabiji ne bang'ombe bakisonge, abyo byo alambwilenga kumbaji bunke, na mambo a bisho bya butunshi bwa mu yoya ntanda. Batwajilwe kokwa. Yelemiya wibawijile, amba bakaya konka.

⁷⁴ Bino, Danyela, oo, ami, watatwile kumona mba kimye kibena kufwenya pepi, byonka byotuji ne leelo. Danyela watatwile “kukwatakanya,” waambile mba, “kupichila mu kutanga mabuuku.”

*Kabiji mu mwaka mutanshi wa bufumu bwakwa . . .
Danyela . . . mu bufumu Amiwa Danyela naumvwishishe
kupichila mukutanga mabuuku nambala ya . . . myaka,
onkao mambo . . . kyambo kya YEHOPA kyaishile kwi
Yelemiya ngauzhi, amba yafwainwa kufikizhiwa myaka
sebeta . . . Yelusalema ukekala ke masala.*

⁷⁵ Yelemiya, mu B.C. 606, waawile, mambo a bundengamambo bwabo ne bumbulwa kwakamwa lesa, amba bakekala myaka sebeta.

⁷⁶ Anweba vulukai, kwajinga ngauzhi mukwabo waishile mujoja juba. Amiwa kechi nakonsha kuvuluka jizhina janji pa kino kimye ne. Nakonsha kwimuvulukilajo mu—mu mamineti achechetu, inge Nakonsha kutala panyuma mu ka kimye kacheche. Bino aye waishile ne kwamba mba, “Yelemiya, waya mungi. Lesa ukalama Isalela kokwa pa moba mukananga, avula mukananga, pepi nobe myaka ibiji.”

⁷⁷ Yelemiya waambile mba, “Nanchi kikale byonkabyo. Amena.” Aye waambile mba, “Bino pembelaiko mineti umo. Twayai obewa ne Amiwa twesakanye umo ne mukwabo, nobe bangauzhi.” Aye waambile mba, “Vulukai, kunyuma kwajinga baawilenga, kabiji babulang'ene bintu byabubela. Kabiji Lesa wibamanyikile mambo a kubuulang'ana bintu byatama. Nanchi, twayai twikale bashinikisha. Bino aye Nkambo Lesa wambula mba kuji myaka sebeta nangwa byonkabyo.”

Lesu wamupumine awa ngauzhi wabubela, kabiji wasendele bumi bwanji mu yenkawa mwaka, mambo Lesu wabuujile yuwe ngauzhi wakine mba kuji myaka sebete.

⁷⁸ Kabiji Nakeba mba anweba mumone Danyela byo aabile, nangwa wajinga mwenyi, nangwa byonkabyo bamufumishe ku bantu banji, bamufumishe ku kipwilo kyanji, kwakubula ne kupwila nangwa kumo ne, kwakubula ne kipwilo kyakuyako ne, kechi kwajinga nyimbo ya kwimba ne kanatu ya kwimba aye mwine, mukachi kabyonse bye, wakwachijiletu byaabile yewa ngauzhi. Amena! Amena!

⁷⁹ Kechi kwajinga kipwilo kyakuyako ne, kafwako nangwa umo wa kwikala nanji mu lumvwang'ano lwa bupopweshi ne; bantu bonse bayanga ku matepo a butunshi, muntu yense wapopwejilenga tulubi twabo. Kafwako nyimbo ya Bwinakilishitu ne; kafwako nangwa umo waketekejile bintu bimo byo aketekejile ne. Kabiji mu myaka sikisite-eiti, kufuma ku mwanamulume mwananyike wa myaka pepi nobe twelufu, myaka footiini, po atwajilwe kokwa, aye waikajile wakishika kwi Lesu; kabiji waumvwishishe na bungauzhi bwakwa Yelemiya amba moba afikizhiwa kala.

Akyo byo kyafwainwa kupana lujimuno ku muchima wa ngauzhi wa kine wa Lesu leelo, amba tutale kunyuma ne kumona byaabile ngauzhi wakine, kabiji ne kuyuka mba tuji mu kimye kya kumpelo.

⁸⁰ Aye waabile mba, "Amiwa naumvwishishe mu mabuuku amba Yelemiya, mulongo wami, yavula, myaka yavula kunyuma, wa awile mba Isalela ukekala kuno pa myaka sebete. Kabiji akyo kimye kyajinga pepi mu kufikizhiwa." Kabiji aye mwine winengezhezhe. Kabiji wafukwile kuzhikilwa na nzala, kabiji wizhijikile aye mwine, kabiji byo . . .buto ne byakuvwala bya majilo, kabiji wibikile ku mutwe wani, kabiji watatwile kuzhikilwa na nzala ne milombelo, pakuuba mba ayuke ng'anyi juba jo baikelengamo.

⁸¹ Kabiji inge Danyela, ngauzhi wakwa Nkambo, wakonsheshe kubalaula mabuuku akwa Yelemiya, kabiji amuletele pa kifulo kimo; kya kulupuka Isalela, bonsetu kasa baji bomi, bafuminenga mu Babiloni, kubwela ku ntanda yabo, kya mulengele kuzhikilwa na nzala kasa avwala bimvwalo bya majilo ne buto. Kyafwainwa kwikala kyakilapo ku Kipwilo kya Lesu mumi, pa kuyuka mba kimye kibena kupwa kabiji kechi kikekalako jibiji ne; kabiji ne Kwiya kwa nkambo Yesu Kilishitu, kabiji ne Myaka kiumbi kimo kiji pepi kufika! Twakonsha kutaya kimye-kyatu, na kuteya ngyuka, na koowa ku bizhiba Pamulungu, kwakubula kwikalapo na kimye kya Nkambo? Ne kubwela panshi . . .Inge kafunga waambapo pa kinu kimo kyo wabula kutemwa, waimana walupuka pangye. Kabiji umvwe—umvwe kipwilo kyabandisha, kika, anweba—anweba, anweba—

anweba mwikyumvwa bibi. Monai pa musango wetu. Talai kyo tubena kuuba.

Esakanyai bwikalo bwetu na bwa yewa ngauzhi. Muntu umo, mu bufumu bwapwijijika, kwakubula kipwilo kyakuyako, kabiji kafwako nangwa kumo kwakuya ne. Byakundawilwe ne kusokwa; muzhi wanji, bantu banji bajinga bazha. Myaka sikisite-eiti! Sikisite-eiti, sikisite-naini, sebeti; aye wajinga na myaka ibiji yashajileko. Nanchi byo atatwile kutanga mu buuku kabiji ne kumona mba kimye kyafwenya ke pepi na kufikizhiwa, amba kyafikizhiwa, aye waile kwi Lesa mu milombelo, na kukeba mukumbu pakikye.

⁸² Ke kimye ka! Kika kyo tubena kuuba? Kimye, “Byaalo bibena kwabana; tulunga tubena kusukana; michima ya bantu ibena kupungila na moyo; bakumya na mambo a kimye.” Byonse bye bintu, kuboko kwanemba pa lubumbulu. Lwabano na mambo a misalululo; misango yonse ya bubi ibena kubiwa mu ntanda; kwitala bibi, ne malwang’ano, kabiji ne lutobo. Kabiji bilwilo byakobama ku makalanga, kya kuuba mba ka kyaalo kamo ka kipimo kya Cuba papo kakonsha konauna ntanda yonse mu mamineti teni. Kabiji abo bakwitala bibi umo na mukwabo, bantu babulamo bulesa babula kuyuka Lesa kabiji kechi bayuka bulume Bwanji ne.

Kabiji Mupashi Wazhila mu Kipwilo, ubena kwenda mukachi ka Basalululwa, na kwimweshwa Ayemwine mumi pa myaka biumbi bibiji, amba Aye ye umotu keesha, leelo, ne myaka yonse. Twakonsha kwikala byepi bamukose? Twakonsha kupitatu peulu byepi? Kimye kyo tubena kukebakeba, na kupembelela kyokya kimye kikatampe kibena kwiya.

⁸³ Pano, aye watangile mu Yelemiya, kyapitala kyabu 25. Twayai tuzhikule mu Yelemiya, kyapitala kyabu 25, kabiji tutange kyaambile Yelemiya. Kine, twayai tutatwile pa veeleshi wabu 8, mambo ke...Nasaka kumona mba anweba mwikitambula. Veeleshi wabu 11 po Nakunemba papo pa kutanga, bino twayai tutatwile pa veeleshi wabu 8.

Onkao mambo YEHOPA wa mabumba waamba bino mba; . . .

Natemwatu kyokyo. Inge Nakonsha kumvwa ngauzhi waimana na ABYO BYOBYAAMBA AYE NKAMBO LESA, mulongo, byokiji. Kwi amiwa, akyo kyapwisha byonse. Kyo kyonka.

. . .abyo byobyamba aye YEHOPA wa mabumba; Mambo kechi waumvwapo byambo byami ne,

Talai, Amiwa katuma jiwi ja kwiita mikoka yonse ya ku kabeta ka ku buyeke, byo byaamba aye YEHOPA, kabiji Nebukaneza mfumu wa Babilona, kalume wami, kabiji ukebaleta jibiji. . .namba beye balwishe ino ntanda, ne bekalamo ne mikoka yonse, kabiji ne mikoka

yonse yazhokoloka, kabiji kine Amiwa nkebonaunatu shata, . . .

Vulukai, aba bajinga basalululwa ba Lesa bo abena kwambapo. Abo kechi bajinga batunshi ne. Aba bajinga ba membala ba kipwilo.

Kabiji Amiwa kafumya kwi abo jiwi ja lusekelo, . . . jiwi ja lusangajiko, (byonka byo tuji leelo, onse mazha-a-kozhokoloka, Ricky ne Elvis,) kabiji, oo, jiwi ja musongoshi, . . . jiwi ja kang'onyi. . . nangwa, musongwa, byonkabyo, ne kuvuma kwa mabwe pa kupela, . . . ne kyeya kya lampi.

Kabiji yonse ino ntanda ikekala ke masala ke yatutu, . . .

Umwwai awa ngauzhi kubijika mba, “Ino ntanda yonse ikekalatu ke masala!” Kabiji kechi kwipashang’anya na yuwe kalume mukatampe wakwa Lesa ne, bino Naaula mba kino kyaalo kyonse kikekala ke masalatu. Lesa ukamanyika kino kyaalo na mambo a bubi bwakyo. Inge Lesa kechi wakonsha kuleka Isalela ne, Wanji wasalululwa, Lukunwa wa kwa Abulahama, ao Ye alengele nanji lulayang’ano kabiji ne mulaye, inge Aye kechi wibalekele bapuluka kasa bauba-byatama ne; nangwatu bajinga bapopweshi bakilapo, bajinga na bipwilo bikatampe, ne ba pulisiti, kabiji ne balabi; pakuuba mambo a byubilo byatama ne bintu byajinga mukachi kabo, kabiji Lesa wibalengela kunowa byonse byo babyajile, nanchi atweba tukapuluka. Veeleshi wabu 11:

. . . ino yonse ntanda ikekala ke masalatu, kabiji . . . ke kyakukakamika bantu; . . .

Kya kuuba mba, muntu yense ukatalatu ne kwaamba mba, “Byobyobyaji. Bajinga bingi bakatampe. Talai pe abo.”

. . . kabiji abyee byaalo bikamwingijilanga mfumu wa Babilona myaka sebete.

Akyo ke kimye kya bumi bwa muntu. Akyo ke kimye bakulumpe bobee, bainobe bapeshiwa bajingatu kamwaana. Bajinga momwa kwakubula Lesa, kwakubula kipwilo, kwakubula lwimbo ne, kwakubula kintu kiji kyonse ne, pa kisemi kyonse kitutulu, poso akya kyonse kisemi kya bundengamambo kyafwa.

Kabiji kikeya kufikizhiwa, pakupita myaka sebete, Amiwa nkamukabisha mfumu wa Babilona, kabiji akya kyaalo, byo byaamba ЯЕHOBA, na mambo a bubi bwabo, kabiji ne kyaalo kya bena Kalodeya, kabiji ke kyalula ke masala myaka ne myaka.

Kabiji Amiwa nkafikizha pa yoya ntanda byambo byami byonse byo Naambile na mambo aayo, byo byambo

byonse byanembwa mu yuwe buuku, abyo Yelemiya byo aawijile kyonse kyaalo.

Mambo mikoka yavula ne bamfumu bakatampe bakebalula ne abo—ne abo nabo ke bazha: kabiji ne Amiwa nkebalubwila. . . mwayila byubilo byabo, kabiji monka mwayila byambo byabo ne mingilo ya mu maboko abo.

Bino abyo byo byang'ambile YEHOPA Lesa wa Isalela; Tambula kano katomeno ka binyu bya bukaji kaji mu kuboko kwami, kabiji ukebatomeshabyo ba mu mikoka yonse, kwi abo ko Nakutuma, amba bekatome ako.

Mu byambo bikwabo, “Yelemiya, Nakupa ino mbila. Kechi wikaletu pamo ne. Kechi wikale pa kifulo kimo ne, pakuuba aaula ku byaalo byonse.” Mubena kwikilondela nyi? “Aula ku kyaalo kyonse. Mwesha biyukilo Byami ne bya kukumya, kabiji balekai bayuke mba Mbena kwiya na kuuba kikye.”

Kabiji abo bakatoma, ne kubalakata, ne kukonya, mambo a kyambo kyo katuma Amiwa mukachi kabo.

⁸⁴ Kika kyo bauba mu jino juba? Abo bakutela obewa mba—mba ngauzhi wabubela, bakutela mba—mba wanekenya, bakutela mba—mba wabisela, utanga milanguluko ya bantu, nangwa mba ulota bilota, nangwa musango umo wa batanga milanguluko ya bantu. “Bakekala ke bakonya!” Kabiji kyambo kya *kukonya*, inge mwakonsha kwikyabanya, kyalumbulula mba “wavundakana.” “Abo kine bakekala bavundakana, ne kwamba mba, kabiji babwela ke baambe mba, ‘Aa, kutako muchima ku booba-kyongo kyazhila ne, akyo kechi muji maana ne,’ mambo a Kyambo kyo Nkatuma mukachi kaabo.”

⁸⁵ Anweba mubena kumona pito ibena kwibwezhapo jibiji? Yelemiya kechi waswang’ene na Bafaliseo, Basenduseya, Benaherodia, nangwa bekale bang’anyi. Aye, wafumishepo Kyambo, kabiji Kibaletejile kwikala bakonya pe aye. Kika? Pano monai.

Kabiji pano Natolele katomeno mu kuboko kwa YEHOPA, kabiji wibalengejile mikoka ya bantu bekatome, . . .

Yelemiya kechi waikela pa nzubo ne. Yelemiya kechi waiketu pa kifulo kimo kicheche ne, bino walengejile byaalo byonse byatomeneko.

. . . kubonse aye YEHOPA nkoatumine:

⁸⁶ Yelemiya watambwile Kyambo kya Yehoba, waini wa Kyambo Kyanji. Kabiji waini ke bulume bwa Kyambo Kyanji. Waini uji na bulume. Waini upendang’ana. Waini uji na bulume kunyuma yabo. “Kabiji Natambula Kyambo kya Yehoba,” Yelemiya byo aambile, “kabiji wikilengejile Kyasololwa. Awa

waini, bulume buji mwi Aye, bo Naingijishe kasa bakyangye kwikalako, kabiji kechi bakonsha Kwikyumvwa.”

Lesu waambile mba, “Nanchi Amiwa nkebatuma pa myaka sebete mu Babilona.” Abo ibyo Aye byo aubile. Baoloka ne babula koloka bayile, ne abo.

⁸⁷ Pano, kubwela ku lufunjisho. Danyela watangilenga. Pano ngilangulukaitu, Danyela watangile Byambo bimo byo tubena kutanga lukeelo luno. Danyela watangile Baibolo, ne kwimana pantu pamo, ne mikuku imo ya byambo, bintu bimo byonka Byonji, ku bukwashe bwa Lesu, nsakwimutangila Mbila mu bimye bicheche biji palutwe, kintutu kimo, kya kukumwesa mba tuji mukimye kya kumpelo.

Kabiji Danyela, kutola Kyambo kufuma kwi Yelemiya, waile mu Babilona. Kabiji aye wajinga ngauzhi washingwa manyi. Kabiji waubile bya kukumya, kiyukilo, wakonsheshe kulumbulula jimi ingi, kabiji waubile biyukilo ne byakukumya mukachi kabo. Nangwa byonkabyo, waimenetu bunke bwanji bunke bwanji! Amena! Aye waimenetu bunke.

⁸⁸ Bino Yelemiya wanembele bibye Byambo byavula, myaka yavula kunyuma. Kabiji Danyela, kulumbulula Kyambo, wajinga na... “Amba, pano pembelaiko mineti umo. Tubena kwiya kupelo ya kimye, mambo Naikala kala kuno pa myaka sikisite-eiti. Kabiji ne ngauzhi wa Nkambo,” amena, “mulongo wami, ngauzhi wakine wa Lesu ao wimwesheshe ayemwine kwikala ngauzhi, waawile kwi atweba. Amiwa ne binemba papo pa buuku, byaamba mba, ‘Myaka sebete ikafikizhiwa.’ Anweba Nkambo Lesu, tubena kufwenya ku mpelo. Akya kisemi kyonse kyafwa. Kika Anweba kyo Mwakonsha kuuba pano, Nkambo? Anweba mwalaila kwitutumina...” Kabiji winengezhe aye mwine, mu kulomba.

⁸⁹ Anweba Lesu, inge kwajingapo kimye kyo twafwainwa kwikala atweba bene mu ndoonda, na kulomba, ke ponkapano. Mambo, atweba nobe bamwingilo Wanji bakine, twamona, kupichila mu Makalata a mutumwa, kupichila mu lujimuno lwa Mupashi Wazhila, amba tuji mu juba japelako. Aye Mupashi Wazhila wamba, “Amba mu moba akupelako, banabalume bakekala ba lupata lwa kuuba bibi, ba kwilundumika, ba kutemwa bya lusangajiko ne kutemwa Lesu ne, ba kubula kupwanang’ana, ba kubepela bakwabo, ba kubula kwilama, kabiji ba kubula kutemwa booba byawama.” Amiwa naumvwishishe mu Kalata.

⁹⁰ Kabiji Naumvwisha mba kukekala ba kwendeleka, mu juba japelako. Amiwa naumvwisha kuuba mba kyaalo kikemena kyaalo kikwabo, mu juba jikapelako. Naumvwisha mba kukekala manyaki alufu, mu juba jikapelako. Amiwa naumvwisha mba kukekala biyukilo bilengesha moyo, nobe byeya bipita mwiulu, monka mwiulu, bimwesho byakukumya,

kabiji michima ya bantu ikapungilanga na moyo. Kukekala bimye byakatazha, kabiji ne bijikila bikatampe mu bantu. Natanga mba bonse bakaya mu tubungwe ne madinominesheni, kabiji bakekala na mbung'eno ya bipwilo, mu juba ja pelako. Amiwa naumvwisha mba banabakazhi bakawamisha suki yabo mu juba jikapelako. Amiwa naumvwisha mba bakamvwala bivwalo bipi, kabiji bakenda na sapato-yakokolo, na kunyengeka nshingo byo benda, mu juba japelako. Amiwa naumvwisha mba lutundaiko lukekala bingi panshi mu juba japelako. Amiwa naumvwisha mba basapwishi bakekala bakafunga babubela mu juba jikapelako, abo bakanekenya bintu, kabiji kechi bakajisha bantu Kyambo kya Lesa ne, pakuuba bakalondela bishimitu ne bintu bikwabo, mu kifulo kingi. Bino Nayuka mba kukekala Jiwi jikeya mu moba akupelako, na kubijika mungyetu, ne kwita bantu kubwela ku Mbila itanshi, kubwela ku bintu bya kwa Lesa. Naumvwisha, mu ma Buuku, abya bintu bikobiwa.

⁹¹ Naumvwisha mba mu moba apelako kukekala kipowe kya nzala. Bipwilo bikekala bya butubungwe, kabiji bintu byonse bikobiwa, amba mu moba apelako kukekala kipowe kyanzala, kabiji kechi kikekala kya shinkwa ne meema ne, kana kya kumvwa Kyambo kya Lesa kyakine. Kabiji bantu bakenda kufuma ku musela, kufuma ku muzhika, kufuma ku kabeta ka buyeke ne kabulenge, na kukeba kumvwa Kyambo kya Lesa kyakine. Bino bipwilo bikekala byaikala bukabungwe ne kukosesha bintu, kyakuuba mba bakakakalwa Kwikyumvwa. Naumvwisha kyokyo mu ma Buuku. Bino, mu joja juba, Anweba Lesa, kukekalapo Musapi ukafuma kwi Davida.

⁹² Amiwa naumvwisha mba Aye ukatuma Elaija aja juba kasa jikyangye kufika kumpelo ne, kabiji ukekala na Mbila ayo ikalulwila michima ya baana ku bashabo, ne kwibalulwila ku kine kitanshi, ne kubwela jibiji kupelo, na kutatula. Amiwa naumvwisha mba akyo kikobiwa Mupashi kasa akyangye kufumako ku kipwilo kya ba Ngetila, ne kubwela ku Bayudeya.

⁹³ Kabiji kechi Naumvwisha kupichila mu Kalata monka ne. Naumvwisha kupichila mu Kyambo, monka mu Kyambo kyanembwa, amba Isalela ukubwela ku muzhi wanji; kabiji Namumona kasa abena kuya.

⁹⁴ Naumvwisha kupichila mu Makalata, a bangauzhi, amba Isalela ukekala ke kyaalo. Abo ba-kabwezhapo bupopweshi bwa mu tepo. Lesa ukengila naji jibiji inge wabwela ku kyaalo kyanji. Oo! Bangauzhi babiji bakeya mu moba akumpelo, ne abo. Naumvwisha kyokyo. Monka mukafuminapo Kipwilo kya ba Ngetila, bangauzhi babiji bakeya, Elisha ne Mosesa, kwi Isalela. Tukekiyuka pa kupitamo.

⁹⁵ Ngauzhi wamwene kimye kyajinga pepitu kufikizhiwa momwa mu Babilona. Kijitu bulongo.

⁹⁶ Aye Ngabaliela wamwekele, kechi wasolweletu kyonka kyo aipwizhengapo ne, pakuuba wamubujile byonse byatongwelwa mu mutundu wa Bayudeya, kufikatu ne kumpelo ya byonse. Amena! Aye waipwizhe pacheche, kabiji watambwile bintu byonsetu. Aye waipwizhe kya kuyukatu . . .

⁹⁷ Danyela wasakilenga kuyuka, “Mba kwashala bimye binga, Nkambo, kikafikizhiwa ponka pano nyi? Yelemiya ngauzhi, kalume Wenu, mulongo wami, waawile myaka sikisite-eiti yapita, ne kwamba mba, ‘kuji myaka sebete abo bantu yo bakekalamo momwa.’ Kyonse kisemi kyabakala kyaya pa kino kimye.”

⁹⁸ Kuji kisemi kyabakala kya kipentekosito kyaishile, myaka foote yapitapo. “Bankondo bakala,” baichilwe. Balengelwe bukabungwe, ne kupumana, ne kutoboka, bonse kufita ne ku Mutumba wa Holeba ne Nebo, bonse bapichilemo. Bino, kyapelako, pano tuji pa mukola. Aye ukemanya kyakatataka, ne Yoshiwa wa kwibabusha bushiya. Mizhilo yakakelwe; Mosesa waile nayo; Mosesa wakakelwe. Yoshiwa wibabwishe. Twatana kuuba mba tubungwe twakakalwa, pakuuba Mupashi wakwa Lesa . . . Yoshiwa, kyambo kya *Yoshiwa*, kyalumbulula mba “Yesu Mupulushi wetu.” Amba, Mupashi Wazhila ukeya mu Kipwilo. Kechi kabungwe ne, bino Mupashi Wazhila ukekala mukachi ka bantu kabiji ne Kwibanengezha kuya, ku bushiya bwa Yodano. Naumvwisha pa kutanga Buuku amba byo kikobiwa. Kabiji Lesa wayuka kyo Mbena kukeba pa kino kimye, amba Nakonsha kutekenesha bantu Banji ne kwibabuula bintu biji pepi kubiwa, lukeelo luno, kabiji ne mwaya mantanda ako kukaya ao matepu, mwaya ntanda, amba tuji mu kimye kya kumpelo.

⁹⁹ Aye wasolwele byonse kufika ne ku kimye kyakubwezha Bufumu bonse kabiji ne Myaka kiumbi kimo kyafikizhiwa. Ayo yo yajinga mbila yakwa Ngabaliela. Aye waambile mba, “Naiya na kukubuula mba kuji myaka sebete, milungu sebete, nangwa byonkabyo, byatongwelwa bantu bobbe, byatongolwa kufikatu ne kupelo ya kisemi kya Buyudeya. Kuji milungu sebete.” Pano monai byo Aambile. Mba pano, kufuma ku kimye kya mu kambizho wa kubwezha bintu . . .

Milungu sebete yatongwelwa balongo bobbe kabiji ne pa . . . muzhi, . . .

“Muzhi obe.” Babilona kechi wajinga muzhi wanji ne. Ng’anyi . . . Awe muzhi wajinga kwepi? Yelusalema.

¹⁰⁰ Pano, umvwe twafika ku—ku sebeni, nangwa kushinikishiwa kwa bintu sikisi, tusakutana awa muzhi ye muka, kabiji twikileta ne kushinikisha kana wajinga ng’anyi, wamutatwile, kwepi ko afumine. Bushe ukemana bimye binga? Bushe ukashimukululwa jibiji nyi? Mu ng’anyi kimye? Oo, bintu bikatampe byatujilwa atweba. Kijitu bulongo.

Milungu makumi atanu na ibiji yatongwelwa bantu bobe kabiji ne pa muzhi...obe, mu kupwisha mizhilulwila,...

Bino, Aye kechi waambile mba, “Danyela...” Kechi kyakuzhinauka ne byo Amubuujile mba milungu sebete yajinga...Natazha mukuuba mba, myaka sebete yajinga pepi kupwa. Sikisite-eiti, kwashajiletu myaka ibiji. Kabiji twatana kuuba mba bungauzhi bwa kwa Yelemiya bwafikijilemotu bulongo. Myaka ibiji palutwe, abo balupukilemo. Nehemiya wayile na kutambula mukambizho kufuma ku mfumu, kabiji washimikile sakwa mu bimye byakatazha. Baingijilenga. Aye waambile mba, “Nsakwa...” Telekai ku kikyeyi.

...mu kupwisha mizhilulwila,...ne mu kukanya bundengamambo,...

“Ne mu kukanya bundengamambo.” Kwi bang’anyi? Ba Yudeya. “Beitongwela bantu bobe,” kechi pa Bangetila ne. “Pa bantu bobe,” ba Yudeya. “Kabiji ne muzhi wenu,” kechi New York ne, kechi Boston ne, Filadefya, Chicago, Los Angeles, Loma. Pakuuba, “Pa muzhi wenu,” Yelusalema.

...mu kupwisha mizhilulwila,...ne mu kukanya bundengamambo,...ne mu kufuchila bubu, ne mu kuleta bololoke bwa myaka, ne mu kushinka na katetesho bimwesho bya bungauzhi, ne mu kushingapo manyi apa pene Pazhijisha. (Talai!)

Byonkabyo uyuke ne kumwisha mba, kufuma ku kyokya kimye kyo bakapainamo mukambizho wa kunengezha ne kushimukulula Yelusalema (ao wajinga muzhi wanji) kufika...awa Mushingwa Mfumu kukekala milungu itanu (ya makumi atanu na ibiji) na ibiji,...

¹⁰¹ Pembelelai poso twafika ku kyokyo! Oo, ami! Ao o mapesho o Mbena...Mbena kuya na kutola muzhinge wakwikasako amiwa mwine kufika ne ku kifulo.

¹⁰² Wikisolwele kyonsetu kufika ne kulutwe, ne kwamba mba, “Amiwa kechi nsakukubulatu pa aya myaka ibiji amba ijitu pepi ne, ikapwa, ikafikizhiwa.” Kabiji atweba bonse twayuka mba kine baiketele momwa myaka sebete, kabiji—kabiji bafuminemo, monka mwaambijile ngauzhi. Kabiji Isaya, nangwa Natazha mukuuba mba...Danyela waketekejile yewa ngauzhi, nanchi ye iye, winengezha. Kijitu bulongo. Kabiji aye... .

¹⁰³ Kabiji pano, kimye Ngabaliela kyo aishile, Aye waambile mba, “Naiya na ku kumwisha byonse bye, na ku kusolwela bibye bintu, amba, kufikatu ne ku mpelo.” Mwamona? Talai.

...ukapingakenyamo kyabunya kileta lonaiko, poso aya mpelo yamutongwelwa awa monaushi ikamufikile,...

¹⁰⁴ *Mpelo* ke “kupwa kwa bintu byonse.” “Amiwa nsakukumweshwa bintu bikamweka.” Pano telekai. Kyumvwai! “Amiwa...Danyela, Natumwa. Obewa wi watemwikwa Mwiulu. Kabiji Naumvwa milombelo yobe kabiji Naiya na kukubuula byatongwelwa ba Yudeya ne Yelusalema, kufumatu ponka pano poso mpelo ya bintu byonse, bintu byonse.”

¹⁰⁵ Pano, mwakwatakanya, jibumba? Inge twakonsha kuuyuka kana iye milungu sebete yo ika, nishi twayuka kimye kya mpelo ya bintu byonse. Oo, ami! Lesa etukwashe kwi iyuka. Itubuula kine pantu pamo mu byanembwa, kine kufuma pa kyokya kimye kufika ne pa kino kimye, kufikatu ne ku mpelo, kabiji kechi kyakonsheka kupusapo nangwa mineti umo ne.

¹⁰⁶ Byokiji Kyambo kya Lesa kikatampe...Kimye Lesa kyo alelengele ntanda ne kwi inungakanya mu buzhokoloke. Kabiji Nasapwijilenga bufuku bukwapo, pa Mulungu bufuku, amba kechi pajipo kintu kyakonshe kukakalwa ne. Kika, akino kyaalo kizhokoloka bingi bulongo poso bakonshe ne kwimubuula kimye juba ne ng’ondo po bikapichila, mu myaka tweti kufuma jaleelo, ponka pakumena mineti umo. Nakonshe kwimubuula, mwayila bimye byo tuji na byo mu ntanda; kikataya abiji nangwa mamineti asatu pa ng’ondo, nangwa kunungwako abiji nangwa manineta asatu, o awamisha otuji nao. Atweba kechi twakonshe kulengapo kintu kimo kyalumbuluka byobya ne. Mambo, kujitu kintu kimo kyalumbuluka, akyo ke Lesa. Kabiji Lesa ne Kyambo Kyanji bijitu pamo, nanchi Kyambo kya Lesa kyalumbuluka.

¹⁰⁷ Kabiji umvwe twakonsha kutana ao moba, twakonsha kutana kimye po kikafika kumpelo. Mwikyumvwa nyi? “Kyatongolwa kufikatu ne ku mpelo.” Veeleshi wabu 24, “bantu benu ne muzhi wenu wazhila,” ao ye Yelusalema. Uji na nambala yabu 21...veeshi wabu 24 papo. Yesu watongwele kikye mu Mateyo 24.

¹⁰⁸ Pano, Mulongo Collins, inge uji muno lukeelo luno, Amiwa kechi nayuka ne kana mo aji nangwa ine. Mu mepuzho bufuku bukwapo, wangipwizhe jimpuzho. (Naketekela mba kijitu bulongo kwijamba, Mulongo Collins.) Pa, “‘Kyabunya kileta lonaiko,’ monai, mo kyatajile?”

¹⁰⁹ Yesu waambilepo pa kikye, mu Mateyo kyapitala kyabu 24, kabiji twatana kuuba mba. Ee, Mateyo 24:15. Pano twayai tumone kikye bukiji kubiji, pakuuba mba mumone kana kika, Yesu ubena kwamba pa kintu kimo papo, kubwela kunyuma kwi Danyela. Mateyo 24:15, kwi anweba mubena kunemba. Nasaka anweba, uji yense pakino kimye, kukijishamo bufuku buno ne—ne pa Mulungu ubena kwiya, mwaleta mapezulu ne bipepala, mambo atweba...kana kape uji na tepu. 24, kabiji veeleshi wabu 15, “Kabiji onkao mambo...”

Kabiji pa kwikimona akya kya bunya kileta lonaiko, kyaambile Danyela ngauzhi,...

Langulukai! Aaye ke foolo aduleendi ne eite-fiili, -foolo, -faivi, eite-sikisi kunyuma kasa kikyangye kubiwa. Myaka foolo aduleendi eiti-sikisi kunyuma kasa kikyangye kubiwa ne.

...*Danyela ngauzhi, kasa kyaimana pantu pazhila,...*

Pano talai mu Baibolo wenu. Kyabikwa pakachi.

...*(awa utanga, mulekai omvwe:)*

¹¹⁰ Pano, Aye ubena kwamba ku ba Yudeya. Babena kukeba kuyuka, “Pano ngaawe tepo? Kimye ka po akonaunwa? Kimye ka po akashimukululwa? Ng’anyi kimye jibwe po jikabula kutetakana na jikwabo? Pakapita bimye biinga?”

¹¹¹ Aye waambile mba, “Byo mukamana ‘kyabunya kileta lonaiko, saka kyaimana...’ Danyela, ‘kyaimana pakifulo kyazhila.’” Waambile mba, “Inge mwamona kikye kyafikizhiwa, pano lekai aye utanga omvwishe kyo abena kwambapo.”

Ao ene mambo o tubena kulombela kwi Lesa, ekikajike kikale kyalumbuluka, kya kuuba mba kechi kusakwikalapo luzhinauko nangwa pachechetu ne. Mambo, kechi twafwainwa kubika ndumbulwilo yetu pa bibye bintu ne. Kyafwainwa kwiya kupichila mu ABYO BYOBYAAMBA AYE NKAMBO. Nanchi, Amiwa nsakwikilekela ponkapo poso Nekyumvwiha.

Wasolwele bintu byonse kwi aye, akya “kyabunya.”

¹¹² Kabiji, vulukai, ke kintu kiji na bilumbululo bibiji, kiji pamo nobe, “Nketa mwanami kufuma mu Ijipita.” Nobe Isalela byo bamwichile, nanchi byo kyajinga ne Yesu, Mwaana Wanji, waichilwe kufumamo.

Kabiji akye kikobiwa byonkabyo, kine byonka byo Naimana pano. Kabiji Aye wikyubile mujishinda, kabiji Aye wikifya kyonse, kyafyamika kyonse ku Kipwilo. Oo, inge twafika kukyokyo, ku kwatakanya kwa bintu bitanu na kimo, Aye wibifya byonse bye ku Kipwilo, pakuuba mba Kipwilo kikatajijilenga pa kimye pa kimye, kechi bayukile kimye kyo Aishijilengamo ne. Pano bino nkulo ya Kipwilo ke iji pepi kupwa, nanchi kyanengezhiwatu pa Kwiya kwanji, ke kwinengezhatu.

¹¹³ Akye ke kimo kya Binembelo byanema bingi mu Buuku. Pano kyuba byepi? Kibuulang’ana mpelo ya kyaalo kya Bayudeya, bantu ba ki Yudeya. Akye Kinembelo, milungu sebete, isolola ne kubuulang’ana kufuma ku kimye Danyela kyo atatwile kokwa, poso mpelo ya kupwa bintu byonse. Ke kimye kimo kyanema kya kuyukilako bimye. Baanga bang’umvwapo kwamba mba, “Inge mubena kukeba kuyuka ng’anyi juba ja mulungu, talai pa kalenda. Inge mubena kukeba kuyuka kimye kyo tubena kwikalamo, monai ba Yudeya”? Abyo ibyo. Awa ye kalenda wakwa Lesa, wafuma ponkapo. Yense wafunda masukuulu abyambo bya lesa, uji yense wafunda bya Baibolo,

uji yense, wakonsha kubulang'ana mba akye kyo kiyukilo kya kimye, ba Yudeya.

Pano kimye ka kyo tuji nakyo? Atweba twi... bantu, kwakaba, oo, Ami...

¹¹⁴ Kechi kijipo na kintu na ba Gentila ne; atwe Tutetesho Tutanu na tubiji, Myalo Sebeni, Malwa Sebeni, Matolopita Sebeni, kechi ajipo na kintu kimo kya kuuba ne. Akyo Kipwilo kya ba Ngentila kikekala mu Lukumo pa kyokya kimye. Kechi bijipo na kintu kimo kyakuba kwi atweba ne, Kipwilo kya ba Ngentila. Kingilatu na Isalela. "Danyela, bantu benu ne Yelusalema."

¹¹⁵ Pano, kisolola bishika amba Lesa wingilatu na Bayudeya umvwe baji mu ntanda yabo. Aleluya! Apo ipo po Nalanguluka mba kyafikilatu pene pakachi, ponkapo.

Abo kimye kyonse beseka kubikamo kimye Isalela kyo ajinga momwa mu kimye kya kwa Danyela. Kabiji munembeshi umo mukatampe... Mambo, Nayuka bamo bamulondela baikala muno, Amiwa kechi nafwainwa kwikyamba ne. Bino ao oene mambo kyo bajinga na bibye bintu bya bubela.

¹¹⁶ Bushe mwayuka mba ba Mellerite, kasa bakyangye kwikala Balondela-juba ja Sabando, byo baubile kokwa nyi? Mu 1919, batolele byapi, (anweba bonse mwamwene mu pepala wa Byambo), ne kuya mba bakatumbuke, alwa lukeelo. Akya kyajinga kusenda milungu Sebete ya kwa Danyela. Uu-uu, Millerite. Nanchi, palutwe, kupichila mwi Mrs. Ellen White, ao wajinga ngauzhi wabo wa mukazhi, waalulukile ke kwitela abo bene amba Balonda-juba ja Sabando. Kabiji pano bapipwile jizhina jabo ke Ba Jiwi ja Bungauzhi. Mwamona? Mazhina asatu apusanako ku kabungwe kabupopweshi bwabubela.

¹¹⁷ Pano, bajinga baya mungi, mambo abo babikilenga aya milungu sebete ku bonse ba Yudeya ne ba Ngetila. Kabiji Aye waamba papo, "Ke kya bantu benu." Kabiji Lesa kechi waingijilepo na Muyudeya pangye ya Palasitani ne. Kabiji aye Mesiyasa, pa sebete, ne milungu ibiji, wachibilweko, (kechi mambo a Ayemwine ne; mambo a atweba, wachibilweko), Isalela wapalang'ejilemo, kabiji kechi (bakyangye) babwelele mu ntanda yabo ne kana pose myaka icheche yapitapo. Nanchi, kimye kechi kyabajilwe mu nkulo ya Kipwilo ne. Mwikyumvwa nyi? [Kipwilo kyaamba mba, "Amena."—Waku.]

Kechi kyafwainwa kwikala mu 1919 ne. Nakonsha kumwasha mba kintu kimo kyamwekele mu 1919, akyo kyo kimye awa Malaika, mbila ya Malaika wa busatu po yafikile kabiji ne Malwa a ubiwe. Kyakine. Bino kechi kyajinga... Akya kyajinga kimye nkondo po yaimikilwe mu jishinda ja bukyafyamika. Twatana kyokyo mu kyapitala kyabu 7 inge twafikako, inge twafika ku kyapitala kyabu 7. Anweba bonse mwang'umvwapo kusapwila pakyokyo, bimye byavula,

mwamona, mbila ya Malaika byo yaambile mba, “Kwatai luvula luna lwa pantanda poso twabika katetesho pa Bayudeya, bakalume.” Kabiji bino, batwajijiletu na kupembelela poso nkulo ya ba Ngentila yapwa.

Pano Aye umvwe waiya, apo—apo Aye ukabika tutetesho pa Bayudeya, ba aduleendi foote-foolo sauzande bakatambula Mupashi wazhila. Akwa kuji ba aduleendi foote-foolo sauzande, babikwa katetesho. Lumwekesho 7. Anweba mwatangapo.

“Kabiji Namwene nambala ikatampe ya Mwiulu,” Yoano wamwene, “ya mitundu yonse, njimi, ne byaalo, kabiji baimene ku meso akwa Lesa, na mapambo mu maboko abo, bavwala mikukumba itoka, babena kwimba, ‘Aleluya! Amena! Lukumo, maana, munema, ngovu, bulume, bikale kwi Lesa myaka ne myaka. Amena!’ babena kubijika.”

¹¹⁸ Yoano kechi wakwatakenye pakyokya kimye ne. Bino watajile kunyuma ne kumona Mutumba wa Sinai, (lukumo) ba aduleendi foote-foolo sauzande abo babula kwizhilululapo na banabakazhi. Bayudeya! Banabakazhi, bipwilo! Abo kechi batwelelepo mu tubungwe ne, Lutheran, Methodist, Baptist, ne ba Presbyterian. Bino bajinga ba Yudeya kufumatu ku ntendekelo, Orthodox, kabiji bajinga na tempo wabo kookwa, na kupopwela pa Mutumba wa Sinai. Aba ke ba aduleendi foote-foolo sauzande. Panyuma ya kikye; Kipwilo kyaya mu Lukumo. Mwamona?

¹¹⁹ Nanchi, Mr. Smith wajinga mukilubo, wafwaijilwe kwikala. Mambo, pano mwafwainwa kuleta kyokyo byepi amwe mu 1919, mwafumyamo ba aduleendi foote-foolo sauzande byepi? Kabiji mwabwela jibiji mu bwina Russellite. Mwamona? Nanchi obewa wabwela ku lufunjisho lwa ba Russellite, lwa kuuba mba, “Yesu waishile mu 1914, 1919 Aye wasendele Kipwilo Kyanji, kabiji pano Aye ke mubiji wa bukyafyamika ubena kuzhokoloka pantanda, sangukai. . . kuya ku kilende kya bankambo babakazhi ne kilende kya bankambo babalume, kabiji ne kwibasangula bonse, bonse bajinga ba Russellite.” Kafwamo maana ne! Kechi kiji nakilumbululo mu Kyambo ne. Kechi kikalupukatu bulongo ne. Ine, mwane. Kechi kyubiwa ne.

¹²⁰ Bino, Lesa uji na Bukine. Kabiji Lesa ye Yenka Wakonsha Kwikisolola kabiji ne Kwikibikamo monka, ne Kwikimweshatu bulongo, kwi atweba. Mwamona? Naketekela mba Aye ukekyuba. Amiwa kechi nekiyuka ne. Mbena kwimubuula kya Bukine. Amiwa kechi nayuka ne, bino Mbena kuketekela. Amiwa mbena kuketekela mba Aye ukekyuba.

¹²¹ Nanchi, mwamona, Lesa kechi wingila na Bayudeya ne. (Nasaka namba anweba mulame kikye mu milanguluko) kikulutu Isalela. . .

¹²² Apo ipo po Nabuujile yuwe mulongo waikala papo, ao ubena kwamba pa kuya ku Isalela, fumaiko ku Isalela! Fumaiko kwi

aye, anweba bonse mubena kwamba pa kwitabizha Bayudeya. Ino Mbila kasa ikyangye kupwa, mwakonsha kumona mba ABYO BYOBYAAMBA AYE NKAMBO, monka mu Kyambo kabiji ne ku Mupashi. Isalela ukaluluka, kyaalo kyonse, mu bufuku bumo. Aye Baibolo byo byo aamba. Pakuuba Mamboawama kechi aji kwi abo ne. Muji bacheche balubilamo, kabiji ne bakwobotu, batwelamo, kabiji baji pangye ya mwine mubiji wa ba Yudeya, bayishilemo ne kupuluka. Akyo kine. Naketekela kyokyo na—na muchima wami yense.

Bino, vulukai, kiklutu Isalela kechi uji mu kyaalo kyabo ne, kechi bakonsha kupuluka ne. Pakino kimye babena kubwela. Kabiji bakapuluka, kyaalo kyonse, mu juba jimo. Aye Baibolo byo byo aamba. Juba jimo; kikaleta, kyapwijiika, Isalela yense ukabwela kwi Lesa. Kukekala kintu kimo kikatampe kikafikila Isalela mu juba jimo, poso kikasukenye kyaalo kyonse. Nangwatu ngauzhi wabijikile, ne kwaamba mba, “Mu juba jimo anweba mo mwauba kikye.” Mu juba jimo, Bakekimona. Kukekala kintu kyabulume.

¹²³ Mwaila milanguluko yami, kikekala ke ngauzhi mukatampe awo ukemana kumeso a Isalela, kabiji ne kushinikisha kwi abo amba Mesiyasa ukiji mumi. Awa Mesiyasa ye bakaine ye . . . ? . . .

¹²⁴ Anweba mubena kutanga Baibolo mucheche pa kino kimye, Baibolo wa Isalela. Abo Bamutanga kufuma kunyuma kuya kulutwe, jishinda jo Bamutangilamo. Kabiji mwayuka mulaka waki Yudeya byoanembwa. Kabiji nanchi inge Bamutanga . . . Kabiji batanga yewa Lewis Pethrus ye ebatumujile, ma Baibolo milyoni. Baambile mba, “Inge yuwe Yesu . . .” Aba bajinga ba Yudeya baletelwe kufuma ku Iran, kabiji momwa mukachi, kechi bakyumvwapo kintu kyakuuba mba Mesiyasa ne. Kabiji byo benengezhezhe kubwela ku ntanda yabo, kika, kechi bakebelenga kubwela na mandeke ne. Abo bakijiminengatu na ma mpulao akala. Anweba mwakonsha kutanga mu magazini wa *Talai*. Baanga batangapo bibaaba bya *Talai* ne *Bimye* mu maga- . . . ? Kika, kine mwatangile. Mwamona? Abo kechi batwelelemo ne. Awa labbi wakala waimene byo bya ne kwamba mba, “Vulukai, ngauzhi wetu waambile mba tukabwela ku muzhi wetu pa byapi bya mpungu.” Aleluya!

Byaalo bibena kwabana, Isalela ubena kubuuka,
Biyukilo abya Baibolo byo aambijile jimo;
Moba aba Ngentila abalwa, moba abalwa kala;
“Bwelai, Anweba basulwa, kubeenu.”

¹²⁵ Obewa wafwainwa kwikala ubena kulaba. Anweba mwikyumvwa ne kwikumvwa, kabiji mwi kyumvwa, bino kikela ke kimye kyapelako, juba jimo ja mu ao moba. Isalela ubena kubwela konka ku muzhi wanji. Aja juba Lesa jo

akekajika Isalela ke kyaalo, aja jo juba jikabula kwikalako Ngetila mukwabo kupuluka ne.

¹²⁶ Amiwa kashinikisha kyokyo na milungu sebeta, inge Nakonsha kwi atana aa moba. Amiwa mbena kuya ku...na kutambula kalenda wa byenda byamulwelele, ne—ne Juliana, wa byenda bya mulwelele, ne wa Kiloma, kabiji ne onsetu. Kuji bakwabo, kutu kukwabo. Pajipo kintu kimo. Lesa wikiyuka, kabiji, Aye—Aye wakonsha kwikisolola. Mwamona? Amiwa nayuka Juliana kalenda uji na fiili aduleendi sikisite-faivi ne kibese kya buna kya juba, mu mwaka. Nanchi, oo, bonse balubakanatu, bino kuji bukine, kuntu kumo.

¹²⁷ Namona bipwilo byavula bingi, tubungwe twavula bingi, bantu bavula bingi babena kuya *mumwe*, kabiji bamo, “Mutende Maliya,” kabiji bamo babena kupopwela *kikye*, kabiji ne *kyokya*, ne *kikwabo*. Kwafwainwa kwikala Bukine, kuntu kumo. Kwafwainwa kwikala Lesa, kuntu kumo. Kwafwainwa kwikala Mbila, kuntu kumo. Mbena kumona bangauzhi babubela babena kumweka, babena kuuba nobe bupe bwakuyuka bapashi, kabiji ne bintutu bikwabo bibena kubiwa. Bino, kwafwainwa kwikala konka wakine, kuntu kumo, kwafuma kokwa kusombolola.

¹²⁸ Mbena kumona bantu kasa babena kutwela ku mubiji, ne kubijika, ne kujila, kabiji balupuka ne kwikala bwikalo bwalekana lekana. Kwafwainwa kwikala Mupashi Wazhila wakine, kuntu kumo. Namona bantu kasa babena kuuba byubilo bya bupopweshi, ne bikwabotu, kabiji ne kweseka kumweka bukine. Nayuka mba kuji Lesa wakine, kuntu kumo. Kuji Mupashi wakine, kutu kumo, mambo abwa ke bukafutufutu bwakala bwalengwa mukikye, wakala wabubela. Kwafwainwa kwikala kintu kimo kituntulu: muntu umo, bantu bamo, Kipwilo kimo, Lesa umo. Kwafwainwa kwikalako kintu kimo kyakine, kuntu kumo, mambo abya byakopololwatu kufuma ku kyokyo. Kujiipo kintu kimo kyakine, kuntu kumo.

¹²⁹ Naambile ku kino kipwilo, na mambo abya bya bupe byenu. Telekai ku bya bupe byenu; bilaminai mu Baibolo. Kechi kupingakenyapo kintu kingi ne, jiuulu kasa jayula na bya bukine. Twayai tulame bya kukine. Twayai tutambule bya bukine inge ne kechi twikalapo na kintu nangwa kimo ne. Amena.

¹³⁰ Pano, pa kupezhako, kya bukine ke kuuba mba Lesa wingila na Isalela kana uji mu kyaalo kyanji. Twayai tumone kimye Lesa...Abulahama kyo afumine mu kyaalo kyanji ne kuya ku Ijipita, kika kyamwekele? Aye wafumine ku kyaswa muchima wakwa Lesa, kabiji kechi wapeshiwe ne poso byo abwelele ku kyaalo kyanji. Lesa kechi waingijilepo nanji ne, kechi kwajingapo nangwa kimwesho kimo ne, kafwako nangwa kimo kyajingako ne, posotu byo abwelele ku kyaalo kyanji.

¹³¹ Talai ku Isalela byo bayile mu Ijipita, pa myaka foolo aduleendi. Kechi kwajingapo nangwa kyakukumya kimo,

nangwa kiyukilo kimo, kafwako nangwa kimo kyamwekele mukachi kabo, kyabujilwe kunembwapo mu mpito ya Buuku ne. Imo naite-naini yakala, baya ku kipwilo, ne kulambula mwanamukoko, amba “Mutende Maliya,” nangwa monse mo kyaikajile, bwelai. Mwaka wiya, musango umotu. Bang’anga bonse na kwipachika, “Laabi *Kananga-ne-kananga!* Tukasala Laabi *Kananga-ne-kananga.* Aye wafunda kyabaya bingi. Aye wayuka byavula pa bena Ijipita.” Kintu kitanshi mwayukatu, bena Ijipita ne—ne bonsetu, bajingatu kintu kimo.

¹³² Akyo kyo kintu kimo kyamweka mu kipwilo. Atweba bonse twaikela ba Methodist, nangwa Baptist, nangwa Presbyterian. “Kabiji tuji na digili wafuma ku Hartford! Tuji na digili kufuma ku Wheaton! Tuji na digili wafuma kuntu kukwabo, nangwa Bob Jones! Atweba, tuji na Bachela wa mu Aati! tuji na D.D., LL.D., nangwa kintu kikwabo!” Pano kyaleta ka? Ke jibumbatu jabulamo maana.

Kijitu byonka byo kyajinga mu Ijipita. Kabiji Lesa kechi waingijile na Isalela ne poso byo abwelele mu kyaalo kyanji.

¹³³ Ng’umvwai amiwa! ABYO BYOBYAAMBA AYE NKAMBO, Lesa kechi ukengila mu Kipwilo Kyanji ne poso Kyabwela ku muzhi waji, yo Mbila ya kimye. Bwelai ku kine kitanshi! Mfumai mu Methodist wenu, Baptist, milanguluko ya ki Presbyterian; yenu ya ki Pentekosito, Assemblies, Oneness, Bu busatu, kabiji Bufaivi, monse mo kyaikela; kipwilo kya Lesa, Nazarene, Pilgrim Holiness, kipwilo kya Kilishitu, mu byonse bipamo bya antikirishitu! Kabiji Nalanguka mba akye kyafikila ntanda yonse. Byonse byatama; byonse bya diabola. Oo, ami! Muji bantu ba bulesa mu byonsetu. Muji bantu ba bulesa mu byonse bye bipamo. Pakuuba kabungwe, ako kene, kechi ka kwa Lesa ne, kabiji Lesa kechi ukekapesha ne. Aye kechi wikyubapo ne.

¹³⁴ Naipuzha uji yense neemi wa mpito (mukomvwa yuwe tepu) ku nembelako ne kumbula kimye kyonse, kipwilo po kyaubile bukabungwe, Lesa wikutujile pa kitala kabiji kwakubula kwingila nankyo jibiji ne. Mbulai kimye kyo Aimenye Benaluther jibiji, Wesley ne Methodist, nangwa Pentekosito. Kechi wikyubilepo ne! Aka kabungwe kaikela popa, kabundwa ne kubola! Lesa watolele bantu bunke bunke ne kweseka kwibatongwela bantu kubwela kwabo ku muzhi. Kabiji pano, bukebwapo baikala bakokelela ne kwikala bwanabukazhi, na digili umo, poso babikako kabungwe kakwabo, ba mulengele kwikala jibiji mwaana wangehena kukila ne byo ajinga kutatwilo.

¹³⁵ Bino, kuntu kumo, kinetu, Yehoba uji na muntu ao Ye akonsha kubikapo maboko Anji, ao ukabula kunekenya nabo...-bula bulesa, tubungwe twabulamo bulesa; ng’anyi ukabwezha bantu ku Jibwe, Kilishitu Yesu, kubwela ku

pentekositi mutanshi kabiji ne Mupashi Wazhila mwine mutanshi, na biyukilo bitanshi ne byakukumya bitanshi. Kyakine Aye ujipo na umo, kuntu kumo, ao ukabulwa kwikala wakokelela mu kimye kya kumanyikwa, wanyemamo, wibifutamo, wafumako, kiji kyonse; abo bakekala nakyo.

Lesu kechi upesha Isalela ne kanatu wabwela mu kyaalo kyanji.

¹³⁶ Lesu kechi ukakupesha ne, waki Methodist, Baptist, Presbyterian, Katolika, nangwa Mwenyi Wazhila, Nazarene, kipwilo kya Kilishitu, nangwa—nangwa kabungwe ka Pentekosito. Aye kechi ukemupesha mu joja jishinda ne. Bwelai mu kyaalo kyenu, kuntendekelo, bwelai ku kyakupitamo kya pentekosito nobe byo kyamwekele pa Juba ja Pentekositi kimye Bulume bwa Lesu po bwaalwile masauzande a bantu, kabiji ne kwambula michima na Mujilo wa Lesu, ao wamwesheshe kyabukine; kechi biyukilo bya kipashang'anya ne, kechi bya kulengwa-kumuntu bya kutanga milanguluko ne, kechi byakujimbaika ne, kabiji ne kutwela mu lubilo lwa mpuku lo tuji lalo mu America ne. "Ing'anyi wakonsha kwikala na tente wabaisha?" Nangwa, "Ing'anyi wakonsha kwikala na jibumba jabaisha?" Ng'anyi lupusano lwikalako kwi Lesu? Lesu ukeba bantu baji na bukishika mu michima yabo, kechi jibumba jikatampe ne. Kabiji atweba twatwela mu lubilo lwa mpuku, na kunyema. Ke kyabuvu bingi, kumona kuuba mba twakonsha kunungako sauzande mukwabo ku kabungwe ketu. Ke kyabuvu. Aye ubena kwitukeba kubwela ku Bukine, kubwela ku Mupashi, kubwela ku Kyeya kituntulu, kubwela mujishinda jikatampe mwi Kilishitu, kubwela ku Bukine. Wakonsha kwitupesha byepi Aye jishinda jo tubena kuyamo? Aye kechi wakonsha ne.

¹³⁷ Aye kechi wapesheshe Isalela ne poso byo babwelele muntanda yamulaye. Kabiji byo babwela muntanda yamulaye, biyukilo ne bya kukumya byatatwile kumweka. Aye watumine muntu mukachi kabo, wa jizhina ja Mosesa. Kika yuwe Mosesa kyo aishile nakyo, sukuulu wa mamboawama wanengezhiwabulongo nyi? Bushe waishile na digili wa Bachelwa wa Aati? Bushe waishile na LL.D., Ph.D.? Aye wayishile na bulume bwa Yehoba, kabiji ne na mbila, "Bwelai, kufuma mu ino ntanda, muye ku muzhi wenu. Bwelai, Anweba basulwa, ku ba kweenu." Amena!

¹³⁸ Pepi nobe myaka tuu sauzande, ba Yudeya bajinga bafuma mu kyaalo kyabo, bapalang'ejilemo ku makooka ana a pano pantanda. Byo twakonsha kuleta iye Mbila kupwisha milungu, inge twafwainwa kuya mu kuzhika. Twakonsha kulondaizha Isalela kubwela kunyuma ne kumweshesha kimye kyo bebapalang'enye ku Bufumu bwa bena Loma, ponka pa kukanatu Mesiyasa; byo bapalang'ejile mwaya ntanda yonse ya Panshi.

Bwelai kwi Yakoba, Isalela, bwelai mu Ntendekelo 44 ne 45, kabiji ne kumweshwa kunyuma kokwa byo ebapesheshe aba bashakulu ne kwibabuula kwepi ko bakekala mu moba akapelako. Kabiji Nakonsha kwimutongwela (kyaalo kyonse) kya Isalela, yense mukoka wabena Isalela, kasa aimana monka mu byaalo mo kyaambiwe mba mobakekala. Kabiji tuji pano leelo.

¹³⁹ Mu Yudeya ye twayuka, awa kechi ye mwine Muyudeya wakine ne. Mwine Muyudeya wakine ke yewa mwine Orthodox wabula kwizhilulula aye mwine na bintu bya muntanda, awo wabula kuya kunungakana na bipwilo bikwabo ne. Abo ibo babena kubwela kokwa, bajatu mukaka wachimba ne shinkwa, uji mushi ya tutumbatumba, kechi baswishiwa kwikala mu muzhi wakala ne. Bashimikile muzhi wabo kululwe lubaji, mu ntanda-mubula-kwikala bantu, na mata akatampe atala konse konse. Pakuuba watatula kusapuka mabula anji. Amena, kabiji amena! Kimye kyafwenya ke pepi.

¹⁴⁰ Kuji Ishimela ne Izaka, baimana popa, kasa babena kulwila ntanda, nangwa byonkabyo, aya iji ku lubaji lwa Isalela. Inge mwaya mu Yelusalema mupya, abo kechi bakonsha kwi muswisha kwiya mu Yelusalema wakala ne. Obewa wafwainwa kuya kokwa pantanshi kabiji waleka bakulondolwelakyo, aba ma Arabs, bino apa bakutwala ku lubaji lukwabo. Aba ke baana bakwa Ishimela. Bino, pembelai, kubena kwiya kimye baana bakwa Lesa po bakatumbula yoya ntanda. Abyo ibyo. Yelusalema ukashimukululwa ne jikwabo. Kitapisho kya pajuba kikashimikwa jibiji.

Kabiji awa antikilishitu ukapang'ana nabo lulayang'ano lwa milungu sebeni yapelako. Kabiji pakachi kayo, alwa lulayang'ano lu kachibiwa, ne kwibatwala bonse mu Bukatolika. Kileta bunya kikakumbana konse konse, byobya, kabiji apa mpelo po ikafika.

¹⁴¹ Monai, "milungu sebete." Ee, kuji pepi nobe myaka tuu sauzande yo baikala kungi; pano bebapanga, bantu babo; nobe byonka byo kyajinga pa kukosesha muchima wakwa Felo, Aye wakosenshe muchima wakwa Hitler. Mamilyoni bafwile. Talai pa yuwe Eichmann, wazhatwa mambo akwipaya ba Yudeya sikisi milyoni. Sikisi milyoni ba mwi abo, myeo ya bantu, balukeke, baana, bakulumpe, bonse baipaiwe; Eichmann, muntu umo. Talai kwi Russia, byo mwibapangile kufuma momwa. Abo bebapangile konse konse. Bajinga kyaalo kyasulwa.

¹⁴² Bino mambo a butemwe bwa mali abo, babwelele jibiji. Pakuuba aja jibumba jicheche jibena kubwela mu Palasitani. Amena, balongo! Inge mwamona aye watatula kubwela ku kyaalo kyabo!

¹⁴³ Baji na bavula momwa bakukumanya aduleendi foote-foolo sauzande. Kabiji kika kibena kumweka? Abo bakayuka Yosefwa

wabo. Kechi musakamane ne. Ee, mwane. Kabiji bonse baimana momwa na kupembelela kikyee kumweka. Kabiji awa yenka awala . . .

¹⁴⁴ Byaalo bibaswa mba kyaalo, yenka we mwaka wapwa. Inge akya kyafikizhiwa, nishi tuji kwipi ku mpelo, Kipwilo kya ba Ngetila nishi kyaya. Nanchi, kimye kiji kyonse, Lesa wakonsha kwamba mba, “Isalela ke bantu Bami.” Umvwe akya kyaubiwa, ba Ngetila bapwa.

¹⁴⁵ “Bakamunyataula” byaambile Yesu, mu Mateyo 24. “Akya kyabunya kileta lonaiko, bakanyataula nsakwa ya Yelusalela poso nkulo ya ba Ngentila ikapwe.” Inge akya kyapwa, nishi ba Yudeya bakabwela jibiji mu Yelusalema, na kubwezha—tempo ne bupopweshi bwa mu tempo. Tukafikapo pa byonse bye mu Mbila ikalondelapo, milungu sebete ya kufukula kutanu na kimo.

Pano Nsakutanga kyokyo kasa tukyangye kupwisha, mambo kiji pepi kimye kyakuuba mba tubwele ku manzubu, kabiji tubwele bufuku buno pa sebeni koloko.

¹⁴⁶ Kitanshi, kitanshi, inge mubena kunemba, “Kupwisha mizhilulwila.” Danyela, kyapitala kyabu 9, veeleshi wabu 24. “Mukupwisha mizhilulwila,” kimo. “Ne mukukanya bundengamambo,” kya bubiji. “Ne mukufuchila bubi,” kya busatu. “Ne mukuleta bololoke bwa myaka,” foolo. “Ne mu kushinkapo na katetesho pa bimwesho ne bungauzhi,” faivi. “Ne kushingapo manyi apa pene Pazhijisha,” sikisi. Kabiji abyoo tusakwambapo bufuku buno. Lesa, usakufikizha!

¹⁴⁷ Pano pembelelai, lekai pitemo jibiji, pakuuba mba mwikitambule. Kitanshi, “kupwisha mizhilulwila.” Kyabubiji, “ne mu kukanya bundengamambo.” Kyabusatu, “ne mu kufuchila bubi.” Kyabuna, “ne kuleta bololoke bwa myaka.” Faivi, “kubika katetesho pa kimwesho ne bungauzhi.” Kya butanu na kimo, “ne kushingapo manyi apa pene Pazhijisha.”

Lekai pano ne kitange kwi anweba, kufuma mu—kufuma mu Baibolo. Ke veeleshi wabu 24.

Sebeni- . . . milungu yatongwelwa pa bantu benu (ba Yudeya) kabiji ne pawazhila wenu—pa muzhi wenu wazhila (Isalela, Bayudeya, Yelusalema), ne kupwisha . . . mizhilulwila (kimo), . . . ne mukukanya bundengamambo (kya bubiji), . . . ne mu kufuchila bubi (kya busatu), . . . ne mu kuleta bololoke bwa myaka (foolo), kabiji ne mu kushinka na katetesho bimwesho ne bungauzhi (faivi)—abya bimwesho ne bungauzhi, ne mu kushingapo manyi apa pene Pazhijisha (sikisi).

¹⁴⁸ Abya kine Aye byo ayishijile na kumubuula, amba byo bikobiwa, kabiji ne mpelo ikafika.

¹⁴⁹ Pano, bufuku buno tusakuyuka byo byo bintu byobiji, kabiji ne kumona kana tuji byepi pepi. Kabiji Pamulungu walondelapo,

kuleta ne kubikamo bibye bimye na po twaimana. Amiwa Namutemwa.

¹⁵⁰ Isalela ubena kubwela mu kyaalo kyabo, Isalela. Lekai ng'ambe kikye pa kino kimye. . . Naketekela mba kechi biji pa tepu ne. Lekai ng'ambe kikye. Yenkawa awala Isalela kyo aikele ke kyaalo. . . Ene mambo Amiwa kyo naikela waketekela kimye kyonse, na mambo a jibumba jami muno, kuji kintu kimo kyo Njimo na lubaji, Amiwa kasa kyangye kufwa, kya kumona Isalela wabwela kwi Nkambo. Mambo, akya kyonka kimye, na ndeke ya ba Pan American, Isalela waikajikilwe ke kyaalo, pa kimye kitanshi pa myaka tuu sauzande kufuma po bapalang'ejile, kechi bantu ne; kyajinga kyonka kya kimye, pa kyonka kya kimye, Malaika wa Nkambo wansambakenye kokwa ne nkutuma ku. . . na Mamboawama. Kyonka kintutu kimo, Ndolo jabu 7, 1946.

¹⁵¹ Pano, nanchi, kintu kikwabo kyandengela amiwa kuyuka. Ke "kubwezha michima ya baana ku bashabo, kabiji ne michima ya bashabo ku baana," Mbila. Monai, Malakai 4 (kechi 3 ne), 4!

¹⁵² Kintu kikwabo. Kimye Billy, mwanami, ne Amiwa, Mulongo Ern Baxter, twajinga pa lwendo lwakuya ku Palasitani, panyuma ya kukumanya ba Yudeya pa kifulo kya Mulongo Arganbright, kabiji bamwene mbung'eno. Lewi Pethrus watumine aa ma Baibolo kokwa. Kabiji aye waambile mba. . . Abo Bayudeya baishile, ne kwamba mba, "Inge mwakonsha kwita jibumba ja batangi bena Isalela, Natazha mu kuuba mba, kechi baabo ba laabi bakatataka baji na bijiilo byabo byonse ne, pakuuba kwita pamo batangi bene bena isalela. Kabiji twatanga lulwe Lulayang'ano Lupya, kabiji twayuka mba Mesiyasa byo akeya, Aye uketubula bibye bintu, nobe mwanamukazhi ku Samaliya. Twayuka mba Mosesa waambile mba Mesiyasa wetu uekela ngauzhi. Kabiji umvwe mwakonsha kwibabuula ne kwibamwesa, na Binembelo," abya byo tusakutana mu Mbila ya bufuku buno, "amba bebefichishe ne kuchibako michima yabo, pakuuba mba kwikale kimye kya ba Ngentila, pakuuba mba kwikale kimye kya lulekelo lwa mambo lwa ba Ngentila. Kabiji michima yabo beikosenshe nobe byonka byokyajinga mu kimye kyakwa Yosefwa, ne bikwabotu. Kabiji ne kwibaleta aba ba yudeya pakifulo kimo, kabiji ne kwita aba bantu kufuma mu joja jibumba, kijitu pamo nobe byo kyubiwa ku baabo ba Ngentila kuno, kupichila mu lutundaiko lwa Mupashi. Mambo," baambile mba, "Inge awe Yesu, inge Aye ye Mesiyasa, kabiji byambo byenu byakine, nanchi Aye kechi wafwa ne, kabiji Aye uji na bumi. Kabiji umvwe Aye uji na bumi, Aye walaile kwikala mu Banji. . . abo bakal- . . . bakalume Banji—bakalume, banababwanga Banji. Kabiji inge twakonsha kumumona Aye wauba kiyukilo kya ngauzhi, apo po tukaketekela mba Aye ye Mesiyasa."

Ke kintu kyalumbuluka bingi, kine byonkabyo. Nanchi, akyo kyakonsha kuuba byepi? Kyaalo kyakonsha kusemekwa mu juba jimo, monka mu batangi. Bonsetu mwiabo umvwe baamba mba, “Twayuka.” Inge awa laabi waambatu kyokyo, nishi kyaikajika byonse. Kyaalo kyafwainwa kusemwa mu juba jimo. Isalela wafwainwa kusemwa mu juba jimo.

¹⁵³ Kabiji Najinga mujishinda jami, kabiji naimene ku Cairo, Ijipita, na jichikichi mu kuboko kwami, kabiji fifitiini nangwa mamineti tweti akwita. Benengezhenga amba bete. Kabiji Naile na kumona kintu kyasongwa, nzomvu mucheche wakichi, uji na—na jino ja nzomvu. Nasakilenga mba tume ku mulunda dokotala, Dr. Sam Adair, pa kinemenezhi kicheche. Kabiji Natajilenga pa kikye. Kabiji Kintu kimo kyaambile kwi amiwa amba, “Kino kechi kyo kimye ne. Kuyamo mu Palasitani ne.”

¹⁵⁴ Nanchi Nalangulukile mba, “Aya yajingatu milanguluko yami.” Kabiji Natwajijiletu na kuya.

Kintu kimo kyaambile mba, “Akino kechi kyo kimye ne.”

¹⁵⁵ Kabiji Nalupukile kunyuma ya nzubo ya mandeke. Nasutwile mutwe wami kwi Lesa. Naambile mba, “Lesa, Anweba Yenu mubena kwamba kwi amiwa?”

¹⁵⁶ Waambile mba, “Akino kechi kyo kimye ne. Kuyamo mu Palasitani ne. Akino kechi kyo kimye ne.” Ponkapo Natolele jichikichi jami ne kwi jikingya, kabiji nafumine kokwa kupita mu Loma, ne kubwela ku Lisbon, ku Potukeshi, kabiji nafuma kokwa nabwela ku United States.

¹⁵⁷ Kimye kechi kyafikijile ne. Bumbulwa koloka bwa ba ngentila kechi bwakifikila ne, kuyula konse kwa kaapu. Bino juba jimo akyo kikobiwa, kabiji Lesa ukatuma muntu umo ngauzhi, kabiji ukashinikisha kwi abo. Naketekela mba Lesa ukamwimanya ponkapotu, kana ye ng’anyi, ukamwimanya bukiji bukiji tu. Naketekela mba kyafwainwa kwiya. Akyo kyo tubena kufunjila bibye, mambo tuji pepi bingi.

¹⁵⁸ Kabiji, vulukai, mu kyonka kimye ba Yudeya kyo bakatambula Kilishitu, Kipwilo kya ba Ngetila nishi kyaya. Pano ba Ngentila baketulwilwa myalo, Malwa akatampe.

¹⁵⁹ Kabiji—kabiji bantu bakonsha kwikala byepi, bafunjishi bakatampe bafunjisha, kabiji kasa babena kutala pa yuwe Baibolo bibye, ne kwamba mba Kipwilo kikapita mu kimye kya Malwa akatampe, bino kasa kwabula Kinembelo kyaamba byobyoye ne! Abo kechi bajipo na kintu kimo ne.

¹⁶⁰ Muntu wambujile mba, kechi papita kimye kyabaya ne, waambile mba, “Oo, Nyenga McPherson wafunjishe mba Kipwilo kikapita mu Malwa akatampe, mambo atweba tukekala byeya byasama mu kyokya kimye.” Ke Isalela pa kyokya kimye, kechi ba Ngentila ne.

Ba ngentila nishi baya, Kipwilo. Bafwainwa kupita mu Malwa akatampe. “Nsung’unyi wapaajile meema kufuma mukanwa kanji,” kyapitala kyabu 17, “kabiji walwishishe bashajilepo,” kisungu wakosama. Kechi . . . Akyo kine Kipwilo nishi kyaya. Aye nishi uji ku Kijilo kya Masongola kya baabo, mu kimye Kijilo kya Masaongola po kikobiwanga, mulungu wapelako. Kabiji akyo kyo kimye aa Malwa akatampe po akafika, kimye zhiye ne byakumanyikwa po bikafika pa kipwilo, bintu byamusango yewa.

Nanchi, kumpelo, mu kyapitala kyabu 19, Aye waiya na Musongoshi Wanji. Aleluya! “Mfumu wa mfumu, kabiji Nkambo wa ba nkambo; kivwalo kyanji kyabikwa mu Mashi, kabiji ne mazhita a Mwiulu abena kwiya pa ba mbili batoka, kasa babena kwiya Nanji. Awa Wiya, na kusenda kifulo Kyanji kya Myaka kiumbi kimo. Amena! Oo!

Jitotwe Jizhina, oo, jitotwe Jizhina,
Jitotwe Jizhina ja Nkambo;
Jitotwe Jizhina, oo, jitotwe Jizhina,
Jitotwe Jizhina ja Nkambo.

Yesu jo Jizhina, Yesu jo Jizhina,
Yesu jo Jizhina ja Nkambo;
Yesu jo Jizhina, oo, Yesu jo Jizhina,
Yesu jo Jizhina ja Nkambo.

Tumbijikai Jizhina Janji, oo, tumbijikai
Jizhina Janji,
Oo, tumbijikai Jizhina ja Nkambo;
Tumbijikai Jizhina, oo, tumbijikai Jizhina,
Tumbijikai Jizhina ja Nkambo.

¹⁶¹ Muji byepi? Anweba Kilengai kikale kikatampe mu bumi bobo. Obewa wafwainwa kwikala bumi bo bakonsha kwamba mba, “Awa ke kalume wakwa Kilishitu.” Abyo byo utumbijika Jizhina. Twayai tumone. Oo, kechi mwatemwa Aye nenyi? Oo, ami! Lwimbo wetu mucheche pano:

Mukijilamo banyama kala kene, Nayuka mba
kine byo kiji,
Awa Mwaana wasemwa mukupulusha bantu
ku bubu bwabo.
Yoano Wamumwene kukitulu, Mwanamukoko
wa myaka ne myaka,

Awa Mwanamukoko wajinga na Tutetesho Tutanu natubiji, yenka Umotu Mwiulu ne pantanda wafikijilemo.

Mu kijilamo ba nyama—mu kijilamo banyama
kala kene, Nayuka mba byokiji,
Awa Mwaana wasemenwe mu kupulusha
bantu ku bubu bwabo.

Yoano Wamumwene kukitulu, Mwanamukoko
myaka ne myaka,
Oo, jitotwe Jizhina ja Nkambo.

Oo, jitotwe Jizhina, oo, jitotwe Jizhina,
Jitotwe Jizhina ja Nkambo;
Jitotwe Jizhina, jitotwe Jizhina,
Jitotwe Jizhina ja Nkambo.

¹⁶² Natemwa kupopwela. Anweba kechi mwaatemwa nenyi? Bino, kechi twiyatu ku kipwilo na kumvwa busapwishi ne; akyo kyendela nakyō pamo. Pakuuba twiya ku kipwilo na kupopwela, kupopwela mu Mupashi ne mu Bukine. Anweba mwaumvwa Bukine, akyo kyo Kyambo. Mwamona? Bino, kupopwela, ke kwimweshwa obewa mwine kwi Aye. Mwamona?

Oo, Natemwa Awa Muntu Wa Ku Galileya, ntupai pakutatwila. Ee, mwane. Wamuyuka, Teddy? Nalubako pano. Twayai tumone. Twayai tumone.

Oo, Natemwa yewa Muntu wafuma ku
Galileya,
Mambo Aye wangubila byavula bingi.
Aye wandekela mambo ami onse, ne kubikamo
Mupashi Wazhila;
Oo, Natemwa, Natemwa yewa Muntu wa ku
Galileya.

Musokeshi waile na kulomba mu tempo juba
jimo,
Aye wajijile, “Anweba Nkambo, ngubilai
lusa!”
Aye walekejilwe bubi bonse, kabiji wabikilwe
kibese kyazhika mukachi kanji;
Aye waambile mba, “Iyai, mumone yuwe
Muntu wafuma ku Galileya.”

Oo, Natemwa yewa Muntu wafuma ku
Galileya, wafuma ku galileya,
Mambo Aye wangubila byavula bingi.
Aye wandekela bubi bwami bonse, ne
kubikamo Mupashi Wazhila;
Oo, Natemwa, Natemwa yewa Muntu wafuma
ku Galileya.

Bilema byaendele, bakamama baambile,
Abwa bulume bwaambiwe na butemwe pa
kalunga;
Bampofu bamwene, Nayuka mba kyakonsha
kwikalatu
Bulume bwa yewa Muntu wafuma ku Galileya.

Oo, Namutemwa yewa Muntu wafuma ku Galileya, wafuma ku Galileya,
 Mambo Aye wangubila byavula bingi.
 Aye wandekela mambo ami onse, ne kubikamo Mupashi Wazhila;
 Oo, Natemwa, Natemwa yewa Muntu wafuma ku Galileya.

Telekai ku yuwe:

Mwanamukazhi ku mushima, Aye wabulang'ene bubi bwanji bonse,
 Banabalume faivi bo ajinga nabo pa kyokya kimye. (Awa ye Aye.)
 Walekejilwe bubi bwanji bonse, kabiji ne kibese kyazhika kyaishile mwi aye;
 Nanchi wajijile, "Iyai, mumone awa Muntu wafuma ku Galileya!"

Oo, Natemwa yewa Muntu wafuma ku Galileya, wafuma ku Galileya,
 Mambo Aye wangubila byavula bingi.
 Aye wandekela mambo ami onse, ne kubikamo Mupashi Wazhila.
 Oo, Natemwa, Natemwa yewa Muntu wafuma ku Galileya.

Namutemwa Aye. Kechi ibyo nyi? Muchima wami yense!
 Kechi ibyo nyi? Bushe Aye kechi wakukumya nenyi?

Oo, wakukumya, wakukumya, Yesu byo aji amiwa, (Ye Ng'anyi?)
 Wamaana, Mfumu wa Mutende, Lesa Wabulume ye Iye;
 Oo, kupulusha ami, kundama ami kufuma ku bubi bonse ne buvu,
 Wakukumya ye Mukuzhi wami, takaikai Jizhina Janji!

Twayai tukunyike mitwe yetu pano ne kulangulukapo pa kikyeye.

Najinga walubilamo, bino pano Nalubuka,
 Amiwa nakasuluka kufuma ku luzhachisho,
 (Byaalo bibena kwabana; kechi kiji nalukatazho ne.)
 Yesu upana kukasuluka kabiji ne lupulukilo lwapwijijika;
 Aye ubena nkupulusha ami, Aye ubena kundama kufuma ku bubi bonse ne buvu,
 Wakukumya ye Mukuzhi wami, takaikai Jizhina Janji!

Oo, wakukumya, wakukumya, Yesu kwi ami,
 Wamaana, Mfumu wa Mutende, Lesa
 Wabulume ye Iye;
 Wampulusha ami, wandama kufuma ku bubi
 ne buvu,
 Wakukumya ye Mukuzhi wami, takaikai
 Jizhina Janji!

Oo, langulukaipo pa kikye!

Najinga walubilamo, pano Nalubuka, Amiwa
 nakasuluka kufuma ku luzhachisho,
 Yesu upana kukasuluka kabiji ne lupulukilo
 lwapwijijika;
 Nkupulusha ami, (Kika Aye kyo auba?)
 kundama ami kufuma ku bubi ne buvu,
 (Kwendela peulu yakyo.)
 Oo, wakukumya ye Mukuzhi wami, takaikai
 Jizhina Janji!

Pano bonse pamo!

Oo, wakukumya, wakukumya, Yesu kwi ami,
 Wamaana, Mfumu wa Mutende, Lesa
 Wabulume ye Iye;
 Kika, kyakupulusha amiwa, nkundama
 kufuma ku bubi bonse ne buvu,
 Wakukumya ye Mukuzhi wami, takaikai
 Jizhina Janji!

Oo, byo Namutemwa Yesu, (Lukumo!)

Oo, byo Namutemwa . . .

Nasekela bingi Amiwa napuluka! Nasekela Amiwa mbeni
 kupembelela Kwiya Kwanji!

Oo, byo Namutemwa Yesu,
 Mambo Aye ye mutanshi watenenwe.

Pano na maboko etu asutulwa peulu, inge twikitabizha.

Amiwa kechi kamuleka Aye ne,
 Amiwa kechi kamuleka Aye ne,
 Amiwa kechi kamuleka Aye ne,
 Mambo Aye ye mutanshi watenenwe.

¹⁶³ Mwamutemwa Aye nyi? [Kipwilo kyaamba mba, “Ee.”—
 Waku.] Nanchi wafwainwa kwitemwa anweba bene na bene.
 Mambo, inge mwabula kwibatemwa bo mubena kumona muno,
 mwakonsha ku mutemwa byepi Aye Ye mubula kumona? Twayai
 twi imunepo mu maboko, ne kwamba mba:

Oo, byo Namutemwa Yesu,
 Oo, byo Namutemwa Yesu,
 Oo, byo Namutemwa Yesu,
 Mambo Aye ye mutanshi watenenwe.

Amiwa kechi . . .

Sutulaiko maboko enu kwi Aye ponkapano. Abyo ibyo.

. . . kumuleka Aye,
Amiwa kechi kamuleka Aye ne,
Amiwa kechi kamuleka Aye ne,
Mambo Aye ye mutanshi watemenwe.

¹⁶⁴ Pano ngilangulukaitu, Aye walengele lumwekesho lukatampe lwa yukanyikwa kwi atweba. Kechi twamutemwa Aye nenyi? Bushe Aye kechi wakukumya nenyi? Twakila bingi kusachila Nkambo yetu Yesu; kwituleka ne. “Talai, Amiwa njinenu kimye kyonse, kufika ne ku. . .” Anweba mubena kumvwa bulongo *Milungu Sebete Ya Kwa Danyela?* [Kipwilo kyaamba mba, “Amena.”—Waku.] Oo, kechi twamutemwa Aye ne? Pano kyubiwa byepi?

Lwitabilo lwami lutala kwi Anweba,
Anweba Mwanamukoko wa ku Kalvali,
Mupulushi . . .

Mupopwelaitu Aye, kufuma mu muchima wenu.

Pano ng'unvwai mu kimye kyo Mbena kulomba,
Mfumyai bubi bwami bonse,
Anweba ndekai kufuma ku jino juba
Ngikale Wenu yense!

Kimye bumi bwami kyo Bubena kwenda mumashinda avula finshi, (Atweba bonse twikyuba.)

Kabiji bulanda bwazhokoloka, (Ee, Nkambo.)
Anweba ikalaitu Tangi wami; (Kasa mubena kutangijila, Nkambo!)

Oo, fumyai finshi yaluke ke juba,
Mfumyai bulanda bwa moyo,
Nangwa kundeka ngye mungi
Kufuma kwi Anweba ne.

[Mulongo Branham wanyinyita *Lwitabilo Lwami Lubena Kutala Kwi Anweba*—Waku.]

Bulume ku muchima wami ubena kupungila,
Lupata lwami lutundaika;
Fumyai finshi yaluke ke juba,
Mfumyai moyo wami yense,
Anweba ndekai kufuma ku jino juba
Ngikale Wenu yense!


¹⁶⁵ Anweba Yesu, twamona mba tubena kufwenya pepi ku kintu kimo. Isaya ngauzhi wikyambile kikye; Yelemiya wikyambile. Danyela watajile kunyuma ne kumona byo baambile. Kyalengejile muchima wanji kubunshiwa, kabiji aye—aye watazhizhe kilungi kyanji Mwiulu. Aye wazhikijilwe na

nzala, wamvwala bivwalo bya majilo ne buto. Aye wakebelenga kumvwa, pakuuba mba ajimune bantu.

¹⁶⁶ Nkambo, twamona mu ma Buuku, ne apo, Buuku Wenu, Buuku wa Isaya, Buuku wa Yelemya, Buuku wa Yakoba, Yoano, Luka, Mako, Mateo, Buuku wa Lumwekesho, onse ma Buuku Enu, amba tuji peepi na mpelo. Kabiji twatala kilungi kyetu Kwiulu, mu milombelo, misashijilo, na kutana kimye kyo tubena kwikalamo, Nkambo. Twatatula kumona kyeya kya mute kasa kibena kwiya. Kabiji, Nkambo, twaiya kwi Anweba. Lwitabilo lwetu lubena kutala kwi Anweba pano. Twayai tushe kinemenezhi kyonse, kya bubi bonse, kubula luketekelo lucheche lwakonsha kwitutwala mungi, twayai tuye kulutwe na kukanamina mpasela ya lwito lwetu, byo twayuka mba kimye kyakepana.

¹⁶⁷ Peshai babo bantu baji muno, Nkambo. Abo bemutemwa Anweba. Abo ke Benu. Balupukamo. Anweba yenu Iye mubena kwisolola. Twalomba mba Anweba musakupana bibye bintu kwi atweba byo tubena kupembelela pe Anweba.

¹⁶⁸ Tupai mute wawama wa kufunda, Nkambo. Tupai kumvwisha. Mwitubwezhe jibiji bufuku buno, kipya kipya. Nkambo, nshingai manyi mute uno, oo, byo Mbena kutanga, Nkambo, pa bintu sikisi bya kwiya kwa Ngabaliela. Inge Ngabaliela waishile na kupepula ne kupana kilumbululo kya bintu sikisi, Nkambo, twafwainwa kuyuka kyokyo. Tufunda mu Mabuuku kabiji ne kuyuka mba tuji peepi. Nanchi twalomba mba Anweba musakwikisolola kwi atweba bufuku buno.

¹⁶⁹ Pamulungu ubena kwiya, Nkambo, Anweba Lesa, bikaimo moba momwa. Amiwa kechi nayuka mwakwikyubila ne, bino Anweba Mwakonsha kwituleta monka mwayila bimye. Kiswishai kye, Taata. Tubena kutala kwi Anweba. Twitemwa umo ne mukwabo kabiji ne Mashi akwa Yesu Kilishitu, Mwaana wakwa Lesa, etutoksha ku bubi bonse. Tubena kutala kwi Anweba pa kino kimye. Tukwashai byo tubena kupembelela pe Anweba, Taata, kupichila mwi Yesu Nkambo yetu. 

MIKAMBIZHO YA KWA NGABALIELA KWI DANYELA KDE61-0730M
(Gabriel's Instructions To Daniel)

LUFUNJISHO LWA LONDAKANA LWA MILUNGU MAKUMI ATANU NA IBIJI YAKWA DANYELA

Ino Mbila na Mulongo William Marrion Branham, yalupwilwe patanshi mu Kizungu pa Mulungu lukeelo, Makumbikumbi 30, 1961, ku Branham Tabernacle ku Jeffersonville, Indiana, U.S.A., byafumishiwa pa tepu ukwata ne kufyatula kabiji bya nembwa mu Kizungu kwa kubulwa kupimpulwa. Ino ntuntulwilo muki Kaonde ya nembelwe ne kusampanya na ba Voice Of God Recordings.

KAONDE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org